



書首

春秋集註

九五六

仁仁  
2797  
55-50



門 〇 〇 〇 〇  
號 2797  
卷 55-50



春秋四傳卷之二十五

襄公一 公名午。成公妾定姒之子。四歲即位。在位三十一年。謚法因事

有功曰襄。辟土有德曰襄。

周 魯襄公二年。簡王崩。子靈王立。襄二十八年。靈王崩。子景王立。

鄭 魯襄公二年。成公卒。子僖公立。頑立。襄七年。僖公卒。簡公立。

齊 魯襄公十九年。靈公卒。子莊公光立。襄三十五年。莊公弒。弟景公杵臼立。

宋 詳見成公元年。

晉 悼公復霸。元年。韓厥為政。襄七年。知瑩為政。襄十一年。會于蕭魚。服鄭。襄十三年。荀偃為政。襄十五年。悼公卒。子平公彪立。襄十九年。士匄為政。襄二十五年。趙武為政。

襄二十七年晉楚盟于宋。南北分霸始此。

**衛** 魯襄公十四年獻公奔齊。衛立公孫剽。是為殤公。襄二十六年殤公弒。獻公復歸于衛。襄二十九年獻公卒。子襄公立。

**蔡** 魯襄公三十年景公弒。子靈公般立。

**曹** 魯襄公十八年成公卒。子武公滕立。

**滕** 詳見成公元年。

**陳** 魯襄公四年成公卒。子哀公溺立。

**杞** 魯襄公六年桓公卒。子孝公白立。襄二十三年孝公卒。弟文公益姑立。

**薛** 詳見僖公元年。

**莒** 魯襄公十六年晉執黎比公。襄三十二年黎比公弒。子展輿立。

**邾** 魯襄公十六年。晉執宣公。襄十七年宣公卒。悼公華立。襄十九年晉執悼公。

**許** 魯襄公二十六年靈公卒。子楚悼公買立。

**小邾** 魯襄公七年小邾穆公來朝。

**楚** 子重為令尹。魯襄公三年子重伐吳卒。子辛為令尹。襄五年楚殺子辛。子囊為令尹。襄十三年共王卒。子康王昭立。襄十五年子庚為令尹。襄二十一年子南為令尹。二十二年子馮為令尹。襄二十五年子木為令尹。襄二十八年康王卒。郊敖麋立。

**秦** 詳見僖公元年。

**吳** 魯襄公十二年壽夢卒。諸樊立。一名遏。襄二十五年遏門于巢卒。餘祭立。一名載。襄

二十九年餘祭卒。  
夷昧立一名餘昧。

**越** 詳見隱公元年。  
及昭公元年。

**巴** 簡王一元年 晉悼公周元年。齊靈十年。衛  
四年崩。 獻五年。蔡景二十年。鄭成十

三年。曹成六年。陳成二十七年。杞桓六十五  
年。宋平四年。秦景五年。楚  
共十九年。吳壽夢十四年。

春王正月公即位。穀梁傳繼正也。 仲孫蔑會

晉欒黶宋華元衛甯殖曹人莒人邾人滕人

薛人圍宋彭城。左傳春巳亥圍宋彭城非宋

故稱宋且登叛人也。於是為宋討魚石。晉人以為宋五大夫在彭城者歸真諸瓠丘。齊人不會彭城。晉人以為為討。二月齊太子光為叛臣也。

○范氏曰魚石得罪於宋成十五年奔楚。十八年復入于彭城。然則彭城已屬魚石。今猶係宋者豈君抑叛臣也。

○林氏曰登成也不與其專邑叛君故使彭城還係宋。

○集解云愚按此謂楚雖專彭城之地然不與其封魚石故復係於宋。

○楚已取彭城在前年。

○林氏曰鄭鄭地。書次從晉而未決也。亦以見復宿之難。

質於賈。公羊傳宋華元曷為與諸侯圍宋彭城為宋誅也。其為宋誅奈何。魚石走之。楚為之伐宋。取彭城以封魚石。魚石之罪奈何。以入是為罪也。楚已取之矣。曷為繫之宋。不與諸侯專封也。穀梁傳繫彭城於宋者不與魚石正也。

**胡傳** 按左氏曰非宋地。追書也。然則書圍彭城者魯史舊文也。曰圍宋彭城者仲尼親筆也。楚已取彭城封魚石。成之。二百乘矣。則曷為繫之宋。楚不得取之。宋魚石不得受之。楚雖專其地。君子不登叛人。所以正疆域固封守謹王度也。

夏晉韓厥帥師伐鄭。仲孫蔑會齊崔杼曹人

邾人杞人次于郕。厥公作屈鄭公作台。左傳

侯之師伐鄭入其郕。敗其徒兵於洧上。於是東諸侯之師次于郕以待晉師。晉師自鄭以

○集解云釋舍也謂舍宋平公而助魚石等攻彭城納之也

○子辛楚公子任夫

○集矢於且即成十六年偃陵之戰

○林氏曰簡王崩于靈王立

鄆之師侵楚焦夷及陳晉侯衛侯次于戚以為之援

**胡傳**

楚人釋君而臣是助事已悖矣晉於諸侯次于鄆此皆放於義而行者也傳書楚子辛救鄭而經不書者鄭本為楚以其君之故親集矢於且是以與楚而不貳也棄中國從蠻夷不能以大義裁之唯私欲之從則鄭無可救之善楚不得存能救之名經所以削之不書救也

秋楚公子辛帥師侵宋

左傳秋楚子辛救鄭侵宋呂留鄭子

然侵宋○九月辛酉天王崩邾子來朝冬衛侯使公孫剽來聘晉侯使荀瑩來聘

左傳九月邾子來朝禮也冬衛子叔晉知武子來聘禮也凡諸侯即位小國朝之大國聘焉以繼好結信

○韓子詳臣論譏陽城云陽子在社視政之得失若越人視秦人之肥瘠忽焉不加喜戚於其心蓋瘠瘦也言秦人或肥或瘠越人不以為心譬猶政事得失執政者不以為心者然也

○漢文帝崩遺詔短喪以日易月

○唐順宗遺詔以日易月十三日小祥二十五日大祥二十七

日釋服

謀事補闕禮之大者也

**胡傳**

簡王崩赴告已及藏於諸侯之策矣則宜以所聞先後而奔喪今邾子方來脩朝禮衛侯晉侯方來脩聘事於王喪若越人視秦人之肥瘠曾不與焉而左氏以為禮此何禮乎滕定公薨世子定為三年喪父兄百官皆不欲曰吾宗國魯先君莫之行也喪紀益廢民習於耳目而不察故後世以日易月人子安而行之不知春秋之義無君臣之禮豈不惜哉

**庚**

靈王二年

晉悼二。齊靈十一。衛獻六。蔡景成二十。杞桓六十六。宋平五。秦景六。楚共二十。吳壽夢十五。

春王正月葬簡王○鄭師伐宋

左傳春鄭師伐宋楚令也

○林氏曰襄公嫡母也

○成公卒于僖公薨頑立

**附錄** 左傳齊侯伐萊萊以八使正輿子賂風沙衛以索馬牛皆百匹齊師乃還君

夏五月庚寅夫人姜氏薨 左傳夏齊姜薨初穆姜使擇美楨以

自為楨與頌琴季文子取以葬君子曰非禮也禮無所逆婦養姑者也虧姑以成婦逆莫大焉詩曰其惟哲人告之話言順德之行季孫於是以為不哲矣且姜氏君之妣也詩曰為酒為醴烝絜粢祀以洽百禮降福孔偕 ○六月庚辰鄭伯論卒

論古困反左傳鄭成公疾子駟請息肩于晉公曰楚君以鄭故親集矢於其目非異人任寡人也若背之是棄力與言其誰驅我免寡人唯二二三子秋七月庚辰鄭伯論卒 ○晉師宋師衛甯殖侵鄭 左傳於是子罕當國子駟為政子國為司

馬晉師侵鄭諸大夫欲從晉子駟曰官命未改穀梁傳其曰衛甯殖如是而稱于前事也 ○秋七月仲孫蔑會晉荀瑩宋華元衛孫林父曹人邾人于戚 左傳會于戚謀鄭故也孟

知武子曰善節之會吾子聞崔子之言今不來矣勝薛小邾之不至皆齊故也寡君之憂不唯鄭瑩將復於寡君而請於齊得請而告吾子之功也若不得請事將在齊吾子之請諸侯之福也 ○巳丑葬我小君齊姜 左傳

使諸姜宗婦來送葬召萊子萊子不會故晏弱城東陽以偪之公羊傳齊姜者何齊姜與繆姜則未知其為言 ○叔孫豹如宋 左傳穆夫人與成夫人與 ○冬仲孫蔑會晉荀瑩齊崔杼宋華君也

○林氏曰齊謚也三月而葬速

○虎牢一名北制在漢謂之榮陽成臯

○輿地志云燕平州之東有榆關一夫守之可以當百

○蜀建興七年築漢城於沔陽築繁城於成固

○見坎卦彖辭

○禮記禮運六君子禹湯文武成王周公

元衛孫林父曹人邾人滕人薛人小邾人于

戚遂城虎牢左傳冬復會于戚齊崔武子及

之言故也遂城虎牢鄭人乃成公羊傳虎牢

者何鄭之邑也其言城之何取之也取之則

曷為不言取之為中國諱也曷為為中國諱

諱代喪也曷為不繫乎鄭為中國諱也大

無遂事此其言遂何歸惡乎大夫

也穀梁傳若言中國焉內鄭也

胡傳虎牢鄭地故稱制邑至漢為成臯今

陽趙之上黨魏之安邑燕之榆關吳之西

陵蜀之漢樂地有所以據城有所必守而

不可以棄焉者也其險而不可守故不

繫於鄭然則據地設險亦所貴乎天險不

可升也地險山川丘陵也王公設險以守

其國大易之訓也城郭溝池以為固亦君

子之所謹也鑿斯池築斯城與民同守孟

子之所以語滕君也夫狡焉思啓封疆而

爭地以戰殺人盈野爭城以戰殺人盈城

者固非春秋之所貴守天子之土繼先君

之世不能設險守國將至於遷潰滅亡亦

非聖人之所與故城虎牢而不繫於鄭釋

氏以為責鄭之不能有其聖人以待衰世之意小

康見禮記禮運

子重子辛楚人殺之故書

○滕君即滕文公也

○盈野盈城言殺人

○盈野盈城言殺人之多也出孟子

○不同之世守國不

楚殺其大夫公子申

左傳楚公子申為右司馬多受小國之賂以偏

靈王三年

晉悼二齊靈十二衛獻七蔡景

入陳成二十九杞桓六十七宋平六

秦景七楚共二十一吳壽夢十六

春楚公子嬰齊帥師伐吳

左傳楚于重伐吳

○林氏曰長檮晉地  
晉侯出其國都與公  
盟于外

為籛之師克鳩茲至十衡山使鄧廖帥組甲  
三百被練二千以侵吳吳人嬰而擊之獲鄧  
廖其能免者組甲八十被練三百而已子重  
歸既飲至三日吳人伐楚取駕駕良邑也  
廖亦楚之良也君子謂子重於是役也所獲  
不如所亡楚人以是咎子重子重病之遂遇  
心疾

○公如晉左傳始夏四月壬戌公及晉

侯盟于長檮檮勅居反左傳孟獻子相公稽

首寡君懼矣孟獻子曰以敝邑介在東公至

百晉

**附錄**

左傳祁奚請老晉侯問嗣焉稱解狐  
其讎也將立之而卒又問焉對曰午  
也可於是羊舌職死矣晉侯曰孰可以代  
之對曰赤也可於是使祁牛為中軍尉羊

○齊氏曰雞澤衛地

舌赤佐之君子謂祁奚於是能舉善矣稱  
其讎不為證立其子不為比舉其備不為  
黨商書曰無偏無黨王道蕩蕩其祁奚之  
謂矣解狐得舉祁牛得位伯華得官建一  
官而三物成能舉善也夫唯善故能舉其  
類詩云惟其有之是以似之祁奚有焉

六月公會單子晉侯宋公衛侯鄭伯莒子邾

子齊世子光已未同盟于雞澤左傳晉為鄭

吳好將合諸侯使士匄告于齊曰寡君使匄  
以歲之不易不虞之不戒寡君願與一二兄  
弟相見以謀不協請君臨之使匄乞盟齊侯  
欲勿許而難為不協乃盟於郟外六月公會  
單頃公及諸侯已未同盟于雞澤晉侯使荀  
會逆吳子于淮上吳子不至穀梁傳同者有  
同也同  
外楚也



○盟于女栗在文十

○盟于兆在僖八年

○盟于翟泉在僖二

十九年

○會于柯陵在成十

七年

○集解云愚按三盟

雖皆王臣所與而書

同者固不係王臣也

如州之盟無王臣所

與而亦書同義可見

矣然則為惡反覆與

天國欲之義為是無

疑

**胡傳**

同盟或以為有三例一則王臣預盟而書同二則諸侯同欲而書同三則惡其反覆而書同夫惡其反覆與諸侯同欲而書同信矣士臣預盟而書同義則未安盟于女栗及蘇子也而不書同盟于洮于翟泉會王人也不書同盟然則此三盟者正所謂諸侯同欲而書同盟也其同欲奈何同病楚也會于柯陵之歲夏伐鄭楚人師于首止而諸侯還鷄澤之盟陳袁僑如會楚師在繁陽而韓獻子懼平丘之行楚棄疾立復封陳蔡而中國恐是知此三盟者諸侯皆有戒心而脩盟故稱同不以尹子單于劉子亦預此盟而譏之也夫王臣將命必信信明義而後可以表正乎天下諸侯守邦必尊主奉法而後可以保其社稷矣王臣下與諸侯約誓諸侯亦敢上與王臣要言斯大亂之道也則亦不待書同盟而

罪自見矣

**陳侯使袁僑如會**

僑其驕反左傳楚子辛為

使袁僑如會求成晉侯使和組父告于諸侯

乎會也於戊寅叔孫豹及諸侯之大夫及陳

**袁僑盟**

諸侯在而大夫自為盟始於此左傳

為其與袁僑盟也穀梁傳及以及與之也諸

侯以為可與則與之不可與則釋之諸侯盟

又大夫相與私盟是大夫張也故雞澤之會

諸侯始失正矣大夫執國權曰袁僑異之也

**附錄**

左傳晉侯之弟揚于亂行於曲梁魏

春秋卷三十五

林氏曰諸侯在而大夫自為盟始於此

大夫自為盟於是始

○林氏曰：悼公感悟，乃怒，遂不暇履，履跣足走也。

罪不逃刑，其將來辭何辱命焉。言終魏絳至授僕人書，將伏劍。士魴張老止之，公讀其書曰：「唯君之使使臣，斯可也。臣聞師衆以順爲武，軍事有死無犯，爲敬。君合諸侯，臣敢不敬。君師不武，執事不敬，罪莫大焉。臣懼其死，以及揚干，無所逃罪，不能致訓。至於用鉞，臣之罪重，敢有不從，以怒君心。請歸死於司寇，公既而出，曰：寡人之言親愛也。吾子之討軍禮也。寡人有弟，弗能教訓，使于大命，寡人之過也。子無重寡人之過，敢以爲請。」晉侯以魏絳爲能以刑佐民矣。反役與之禮食，使佐新軍。張老爲中軍司馬，士富爲候奄。○楚司馬公子何忌侵陳，陳叛故也。

秋公至自會 ○冬晉荀罃帥師伐許

左傳許靈公事楚不會於雞澤冬晉知武子帥師伐許

○林氏曰：成公卒于家，公瀕立。

壬辰 靈王四年

晉悼四齊靈十三衛獻八蔡景十卒杞桓六十八宋平七秦景八楚共二十二吳壽夢十七

春王三月己酉陳侯午卒

左傳春楚師爲陳，故猶在繁陽。韓獻子患之言於朝曰：「文王師殷之叛國，以事紂，唯知時也。今我易之，難哉。」三月，陳成公卒。楚人將伐陳，聞喪乃止。陳人不聽命，臧武仲聞之曰：「陳不服於楚，必亡。」大國行禮焉而不服，在大猶有咎，而况小乎。夏，楚彭名侵陳，陳無禮故也。

胡傳

午者襄公名也。孔子作春秋在哀公之世，襄宮哀公之皇考也。曷不諱乎。古者死而無諱，不以名爲諱。周人以諱，易姓於平有諱，禮故。孟子曰：諱名不諱姓。姓所同也。名所獨也。然禮律所載則有不諱者。太子兼高王之遺，參文質之中，而作

禮記祭法云：曰皇考，朝是曾祖廟。○史記禮法解：惟周公大公開闢王業，建功於牧野，終將羣乃。

制謚法

○如漢武帝名徹故改制徹之徹為通是也

○如漢明帝名莊故改莊助之莊為嚴是也

○曲禮曰禮不諱嫌名二名不偏諱詩書不諱曠文不諱

春秋以法萬世如公薨不地滅國書取出

奔稱孫之類所以放其文也莊公名同而書同盟僖公名申而書戊申定公名宋而書宋人之類所以從其質也後世不明此義則有以諱易人之名者又有以諱易人之姓者詩書則諱諱文則諱諱名則諱諱名則偏諱愚者違禮以為孝諂者獻佞以為忠忌諱繁名實亂而春秋之法不行矣

夏叔孫豹如晉聘也晉侯享之金奏肆夏之三不拜工歌文王之三又不拜歌鹿鳴之三不拜韓獻子使行人子貢問之曰子以君命辱於敝邑先君之禮藉之以樂以辱吾子子舍其大而重拜其細敢問何禮也對曰夏天子所以享元侯也使臣弗敢與聞文王兩君相見之樂也臣不敢及鹿鳴君所以嘉寡君也敢不拜也四性君所以勞使臣也敢不重拜皇皇者華君教使臣曰必諱於周臣

聞之訪問於善為次咨親為詢咨禮為度次事為詠次難為謀臣獲五善敢不重拜

林氏曰成公妾襄公母妣杞姓

秋七月戊子夫人妣氏薨同左傳秋定妣薨不殯于廟無襯不虞匠慶謂季文子曰子為正卿而小君之喪不成不終君也君長誰受其咎初季孫為已樹六楨於蒲圃東門之外匠慶請木季孫曰略匠慶用蒲圃之楨季孫不御君子曰志所謂多行無禮必自及也其是之謂乎

葬陳成公八月辛亥葬我小君定妣何襄公之母也

冬公如晉請屬節晉侯不許孟獻子曰寡君之密邇於仇讎而願固事君無失官命節無賦於司馬為執事朝夕之命敝邑敝邑禘小闕而為罪寡君是以願備職焉晉侯許之

陳人圍頓左傳楚人使頓

水氏曰無終山戎  
國名子爵也嘉父其  
召名孟樂其使臣也

夷羿之入也羿喜  
其好讓收錄以為已  
用

○樹淮封尋二國皆  
是周姓國仲康之子  
居相所依者

○過國名在東萊

○文國名在宋鄭之  
間

○芒古遠貌

○壘麻髮合結也高  
師既敗國人遺棄者  
多不能備凶服壘結  
而已

故陳人圍頓而侵伐之

附錄

莊子納虎豹之皮以請和諸侯  
曰戎狄無親而貪不如伐之魏絳曰諸侯  
新服陳新來和將觀於我我德則睦否則  
攜貳勞師於戎而楚伐陳必弗能救是棄  
陳也諸華必叛戎禽獸也獲我失華無乃  
不可乎夏訓有之曰有窮后羿公曰后羿  
何如對曰昔有夏之方衰也后羿自鉅遷  
于窮石因夏民以伐夏政恃其射也不脩  
民事而淫于原獸棄武羅伯因熊羆柁國  
而用寒浞寒浞伯明氏之讒子弟也伯明  
后寒棄之夷羿收之信而使之以為己相  
浞行媚於內而施賂于外愚弄其民而虐  
弄于田儲之諸惡以取其國家外內咸服  
其子其子不刃食諸死于窮門靡奔有焉

氏浞因羿室生澆及豷恃其讒慝詐偽而  
不德于民使澆用師滅斟灌及斟尋氏處  
澆于過處豷于好靡自有禹氏收二國之  
燼以滅浞而立少康少康滅澆于過后好  
滅豷于戈有窮由是遂亡失人故也昔周  
辛甫之為太史也命百官箴王闕於虞  
人之箴曰芒芒禹迹畫為九州經啓九道  
民有寢廟獸有茂草各有攸處德用不擾  
在帝夷羿廢于原獸忘其國恤而思其麇  
牡武不可重用不愆于夏家獸臣司原敢  
告僕夫虞箴如是可不懲乎於是晉侯好  
田故魏絳及之公曰然則莫如和戎乎對  
曰和戎有五利焉戎狄荐居貴貨賜土  
可賈焉一也邊鄙不聳民狎其野穡人成  
功二也戎狄事晉四鄰振動諸侯威德  
也三也我師徒不勤甲兵不頓四也  
于后羿而用德度遠至邇安五也君其圖  
之公說使魏絳盟諸戎脩民事田以時

春秋卷三十五

冬十月，邾人莒人伐鄆，滅之。鄆，邾之屬國也。于狐駘，國人逆喪者，皆塗。魯於是乎始。聖國，人誦之曰：滅之，狐駘喪我於狐駘。我君小子朱儒，是使朱儒朱儒，使我敗於邾。景公四年，五年，晉悼公五年，齊靈十四，衛獻九年，祭景公九年，杞桓公六年，宋平八年，秦景九年，楚共二十二年，吳壽夢十八年。

春公至自晉

附錄 左傳：王使王叔陳生，恐我干晉，人執之士魴如京師，諺曰：王叔之貳於戎也。

夏鄭伯使公子發來聘

左傳：夏鄭子國來聘，通嗣君也。

孫豹鄆世子巫如晉

左傳：穆叔，鄭大夫也。孫豹，鄆大夫也。故書叔孫豹，鄆世子巫如晉，以成屬鄆。書曰：叔孫豹，鄆世子巫如晉。

○林氏曰：以鄆世子巫如晉，比魯大夫，故書叔孫豹，鄆世子巫如晉。

豹，鄆大夫也。巫如，晉言。比諸魯大夫也。公羊傳：外相如，不書此，何以書？為叔孫豹率而與之俱也。叔孫豹則曷為率而與之俱？蓋勇出也。莒將滅之，故相與往，殆乎晉也。莒將滅之，則曷為相與往？殆乎晉，取後乎莒也。其取後乎莒，奈何？莒女有為鄆夫人者，蓋欲立其出也。穀梁傳：外，不言如而。言如為我事，往也。

吳于善道

道，公穀作稻。左傳：吳子使壽越如吳，侯之好，晉人將為之合。諸侯使，衛魯先會，吳且告會期，故孟獻子孫文子會，吳于善道。梁傳：吳謂善伊，謂稻。緩。

殺其大夫公子壬夫

左傳：楚人討陳，叛故。曰：乃殺之，書曰：楚殺其大夫公子壬夫，貪也。君子謂楚共王於是刑，詩曰：周道挺挺，我心。

○秋大雩，左傳：楚人討陳，叛故。曰：乃殺之，書曰：楚殺其大夫公子壬夫，貪也。君子謂楚共王於是刑，詩曰：周道挺挺，我心。

○林氏曰於是盟于  
不書盟為晉諱也吳  
盟之初與諸侯盟也  
盟之盟春秋終諱之  
見於十三

○集解云以善衛太  
夫宜以會期故知此  
會為吳人來也

衛高講事不令集人來定已則無信而  
殺人以逞不亦難乎夏書曰成允成功○公

會晉侯宋公陳侯衛侯鄭伯曹伯莒子邾子  
滕子薛伯齊世子光吳人郈人于戚左傳九月丙午

盟于戚會吳且命成陳也穆叔以屬郈為不  
利使郈大夫聽命于會公羊傳吳何以稱入  
吳郈人云則不辭

**胡傳**

吳何以稱人按左氏吳子使壽越如  
晉請聽諸侯之好晉人將為之合諸  
侯使魯衛大夫會吳于善道且告會期然  
則戚之事乃吳人來會不為主也來會諸  
侯而不為主則進而稱人諸侯往與之會  
而主吳則貶而稱國聖人之情見矣春秋  
之義明矣

公至自會○冬戌陳

公羊傳執成之諸侯戌  
之曷為不言諸侯戌之  
雖至不可得而序故言  
我也穀梁傳內辭也楚公子貞帥師伐陳

公會晉侯宋公衛侯鄭伯曹伯齊世子光救

陳曹伯下公穀有莒子邾子滕子薛伯左傳  
楚子囊為令尹范宣子曰我喪陳矣楚人  
討莒而立子囊必政行而疾討陳陳近於楚  
民朝夕急能無徂乎有陳非吾事也無之而  
後可冬諸侯成陳于囊伐陳十有二月公  
十一月甲午會于城棧以救之

至自救陳

穀梁傳善  
救陳也○辛未季孫行父卒  
季文子卒大夫入斂公在位辛未季孫行父卒  
備無衣帛之妾無食粟之馬無藏金玉無重  
器備君子是以知季文子之忠於公室  
也相三君矣而無私積可不謂忠乎

○林氏曰戌不書惟  
傳公之戌陳鄭也特  
書之

○林氏曰桓公卒于  
葬公句上

**甲**靈王六年晉悼六。齊靈十五。衛獻十。蔡景  
五年。鄭僖四。曹成十一。陳哀  
二。杞桓七十卒。宋平九。秦景  
十。楚共二十四。吳壽夢十九。

春王三月壬午杞伯姑容卒

左傳春杞桓公  
卒始起以名同

盟故也。夏宋華弱來奔。左傳宋華弱與樂轡  
相狎長相優又相

誦也。于蕩怒以己。格華弱於朝。平公見之曰  
司武而格於朝難。以勝矣。遂逐之。夏宋華弱

來奔。司城子罕曰。同罪異罰。非刑也。專戮於  
朝。罪孰大焉。亦逐子蕩。子蕩射子罕之門。曰

幾曰。而不我從。○秋葬杞桓公。○滕子來朝。  
子罕善之如初。

左傳秋滕成公  
來朝始朝公也。○莒人滅鄆。左傳鄆恃賂也  
劫梁傳非滅也

中國日甲國。月夷狄時。鄆中國也。而時非滅  
也。家有既亡。國有既滅。滅而不自知。由別之

○何氏曰時莒女嫁為鄆後夫人。其人無舅。有女還嫁之。于莒有外孫。鄆子愛後夫人。而  
無子。欲立其外孫。主者善之。得為善者。雖與父之惡。救國之滅者。何也

○黃歇春申君見史  
記春申君傳

○品不年見史記

○韓謚是賈克妻妹  
郭彭之子。李姓。韓因  
嗣賈。故稱賈謚。事  
見晉書

○林氏曰宿行父之  
子

而不別也。莒人滅鄆。非滅也。非  
立異姓。以蒞祭祀。滅亡之道也。

**胡傳**

穀梁子曰。莒人滅鄆。非滅也。立異姓  
以蒞祭祀。滅亡之道也。公羊亦云。莒

女有為鄆夫人者。蓋欲立其出也。或曰。鄆  
取莒公子為後。罪在鄆子。不在莒人。春秋

應以梁亡之例。而書鄆亡。不當。但責莒人  
也。今直罪莒。舍鄆。何哉。曰。莒人之以其子

為鄆後。與黃歇進李園之妹於楚主。呂木  
韋獻卿。鄆之姬於秦。公子其事雖殊。其欲

滅人之祀。而有其國。則一也。春秋所以釋  
鄆而罪莒。歟。以此防民。猶有以韓謚為世

嗣昏亂紀度。如郭氏者。

冬叔孫豹如邾左傳冬穆叔如  
邾聘且脩○季孫宿如

晉左傳晉人以  
鄆故來討日何故

春秋卷三十五

○林氏曰稱牲既上  
百也上郊又非禮也

○費季氏邑自城費  
而季氏始強

○南遺季氏家臣  
○林氏曰昭伯惠伯  
之孫隧正主殺徒之  
官是也  
○三君宣公成公襄  
公  
○五年十二月行父  
卒  
○行父之子  
○何休曰孔子仕魯

十有二月齊侯滅萊左傳十一月齊侯滅萊  
來聘也四月晏弱城東陽而遂圍萊甲寅埋  
之環城傳於萊及祀桓公卒之月也末王秋  
帥師及正與子棠人軍齊師齊師大敗之  
未入萊萊共公浮柔奔棠正與子王泚奔莒  
莒人殺之四月陳無宇獻萊宗器于襄宮晏  
弱圍棠十一月丙辰而滅之遷萊于郟高厚  
崔將定其田公羊傳曷為不  
萊君出奔國滅君死之正也

靈王七年晉悼七齊靈十六衛獻十一蔡  
六年景二十六鄭僖五卒曹成十二

陳哀三杞孝公勾元年宋平十秦  
景十一楚共二十五吳壽夢二十

春郊子來朝左傳始○夏四月三下郊不從

乃免牲左傳子孟獻子曰吾乃今而後知有  
筮夫郊祀后稷以祈農事也是故啓

也穀梁傳夏四月不特也二上禮也乃者亡  
乎人之辭也○小邾子來朝左傳小邾穆公來  
朝亦始朝公也○

城費費音秘左傳南遺為費宰叔仲昭伯為  
城費遂止欲善季氏而求婚於南遺譏遺請  
役故季氏城費

胡傳費季氏邑也按左氏南遺為費宰叔  
仲昭伯為隧正欲善季氏而求婚於  
南遺謂遺請城費吾多與而役故季氏城  
費大夫文子相三君無衣帛之妾無食粟之  
馬無藏金玉無重器備則固忠於公室而  
不顧其所食之私邑也及行父卒宿之不  
忠遂專魯國之政辭小邾之無故勞民妄  
興是役季氏益張其後孔子行乎季孫三  
月不違至於帥師墮費其越禮不度可知  
矣然則書城費乃履霜堅冰之戒強私家



政事行乎季孫三月之中不見違過去則違之也不言政事行乎定公者政在季氏之家也

弱公室之萌據事直書而義自見矣用人不惟其賢惟其世豈不殆哉

秋季孫宿如衛左傳秋季武子如衛報子叔之聘且辭緩報非實也

八月螽

附錄

左傳冬十月晉韓獻子告老公族穆于有廢疾將立之辭曰詩曰豈不夙夜謂行多露又曰弗躬弗親庶民弗信無忌不勞讓其可乎請立起也與田蘇游而曰敏作詩曰靖共爾位好是正直神之聽之介爾景福恤民為德正直為正正曲為直參和為仁如是則神聽之介福降之之不亦可乎庚戌使宣子朝遂老晉侯謂韓無忌仁使擊公族大夫

冬十月衛侯使孫林父來聘壬戌及孫林父

盟

左傳衛孫文子來聘且拜武子之言而尋孫桓子之盟公登亦登叔孫穆子相趨進曰諸侯之會寡君未嘗後君今吾子不後寡君寡君未知所過吾子其少安孫子無辭亦無後容穆叔曰孫子必亡為臣而君過而不後亡之本也詩曰退食自公委蛇委蛇謂從者也而

○林氏曰鄭地

○鄭鄭地是為子駟所執○借公執簡公

○鄭立

月公會晉侯宋公陳侯衛侯曹伯莒子邾子

于鄆鄆或作陽于軌反左傳楚鄭伯鬃頑于鄆子囊圍陳會于鄆以救之

如會穀作於原未見諸侯丙戌卒于鄆鄭

報反又采南反公穀作裸左傳鄭僖公之為天子也於成之十有六年與子寧遊晉不禮焉

又與子豐適楚亦不禮焉及其元年朝于晉子豐欲怨諸晉而廢之子寧止之及將會于

○包祁曰以其臣欲  
殺楚故謂夷狄之民  
不欲使夷狄之臣得  
殺中國之君故去其  
而高卒使若正卒然

○陳世云按三傳公穀與左氏異公穀皆以為鄭大夫欲從楚而左氏獨以為為不禮於  
三臣然以其載于助之言其欲從楚之驗矣故此主公穀之說學者詳之

鄭子駟相又不禮焉侍者諫不聽又諫殺之  
及鄭子駟使賊夜弒僖公而以瘞疾赴于諸  
侯簡公生五年奉而立之公羊傳操者何鄭  
之邑也諸侯卒其封內不地此何以地隱之  
也何隱爾弒也執弒之其大夫弒之曷為不  
言其大夫弒之為中國諱也曷為為中國諱  
鄭伯將會諸侯于鄆其大夫諫曰中國不足  
歸也則不若與楚鄭伯曰不可其大夫曰以  
國為義則伐我喪以中國為疆則不若楚  
於是弒之鄭伯髡原何以名傷而反未至乎  
舍而卒也未見諸侯其言如會何致其意也  
穀梁傳未見諸侯其曰如會何也致其志也  
禮諸侯不生名此其生名何也卒之名也卒  
之名則何為加之如會之上見以如會卒也  
其見以如會卒何也鄭伯將會中國其臣欲  
從楚不勝其臣弒而死其不言弒何也不使  
夷狄之民加乎中國之君也其地於外  
外也其日未踰竟也日卒時葬正也

○衛桓公嫡母莊姜也見隱公四年并詩衛風諸篇  
○宋殤公立十年十一戰民不堪命為華督所弒見桓公二年

**胡傳**按鄭僖公三傳皆以為為弒而春秋書  
卒者左氏則曰以瘞疾赴也公羊則

曰為中國諱也穀梁則曰不使夷狄之民  
加乎中國之君也夫弒而可以為赴又順  
其欲而不彰則亂臣賊子免於見討而春  
秋非傳信之責矣然則弒而書卒二傳以  
為為中國諱不使夷狄之民加中國之君  
疑得聖人之意顧其說者未之察爾夫  
弒君之賊其惡不待貶絕而自見矣見弒  
者豈無不善之積以及其身者乎衛桓則  
以嫡母無寵宋殤則以亟戰疲民齊襄則  
以行同鳥獸鄭夷則以侮慢大臣蔡固則  
以淫而不父陳平國則以殺諫臣而通于  
夏氏楚庚則以多行無禮吳齊則以嬖孽  
而國人不可之君其餘祭則以輕刑人而  
晉州蒲欲盡去群大夫而立其左右也若  
夫鄭僖公則異於是矣中國者禮義之所  
出也夷狄者禽獸之與鄰也僖公欲從諸

○衛桓公嫡母莊姜也見隱公四年并詩衛風諸篇  
○宋殤公立十年十一戰民不堪命為華督所弒見桓公二年  
○齊襄公淫於其妹  
公子無知所弒見莊  
公八年  
○鄭夷不共食寵為  
子公所弒見宣公四  
年  
○蔡固見襄公三十  
年  
○陳平國見宣公十  
年  
○楚庚見昭公十三  
年  
○吳餘祭見襄公二  
十九年  
○晉州蒲見成公十

七年  
○傷之甚者傷鄭信  
公有志乎中國未得  
會而遇弒也恨之甚  
者俱夷狄之橫為中  
國之患也

○林氏曰自是凡會  
同無爾矣

○義見莊公十七年  
傳註

侯會于鄆則是貴禮義為中國之君也諸  
大夫欲皆諸夏與荆楚則是近禽獸為夷  
狄之民也。以中國之君而見弒於夷狄之  
民豈有不善之積以及其身者乎。聖人至  
是傷之甚懼之甚故變文而書曰鄭伯死  
頑如會未見諸侯丙戌卒于鄆未見諸侯  
其曰如會何致其志也。諸侯卒于境內不  
地鄭鄭邑也。其曰卒于鄆見其弒而隱之  
也。卒鄭伯自逃歸陳侯聖人之旨微而公  
穀之義精矣。存天理抑人欲之意遠矣。  
陳侯逃歸左傳陳人患楚慶虎慶黃謂楚人  
之。二慶使告陳侯于會曰楚人執公子黃矣  
君若來群臣不忍社稷宗廟懼有二圖陳  
侯逃歸穀梁傳以其  
去諸侯故逃之也

**胡傳**

穀梁子曰逃義曰逃逃者四夫之事  
上二年諸侯戍陳今楚令尹來伐諸

○成公十八年晉悼公方年十四歲至是蓋二十有一歲矣此其方明於政治之理也八  
卿者晉四軍每軍卿二人和陸謂不相爭忌

○儀衛儀仗侍衛也

侯又救之亦既勤矣為陳侯計者下令國  
中。大申微備立太子以固親聽命於諸  
侯謀禦敵之策當是時晉君方明八卿和  
睦諸侯聽命必能致力於陳矣。不此之顧  
棄儀衛而逃歸此匹夫之事耳。夫義路也  
禮門也。輕棄中國惟蠻夷之懼是不能由  
是路出入是門故書逃歸  
以罪之可謂深切著明矣

**丙**

靈王八年 晉悼八。齊靈十七。衛獻十二。蔡  
景二十七。鄭簡公嘉元年。曹成

十三年。陳哀四。杞孝二。宋平十一。秦景  
十二年。楚共二十六。吳壽夢二十一。

**春王正月公如晉**

且聽朝聘之數  
○夏葬

**鄭僖公**

公羊傳賊未討何以  
書葬為中國謀也

**附錄**

左傳鄭群公子以僖公之死也謀子  
駟子駟先之夏四月庚辰葬殺子儀

子庶子侯子十孫  
擊孫志出奔衛

鄭人侵蔡獲蔡公子燮燮殷作濕後同因傳

蔡獲蔡司馬公子燮鄭人皆喜唯子產不願曰小國無文德而有武功禍莫大焉楚人來討能勿從乎從之晉師必至晉楚伐鄭自今鄭國不四五年弗得寧矣子國怒之曰爾何知國有太命而有正卿童子何言焉將為戮矣公羊傳此侵也其言獲何侵而言獲者適得之也嚴梁傳人微者也侵淺

○季孫宿會晉侯鄭伯齊人宋人衛人邾人于邢丘左傳五月

會于邢丘以命朝聘之數使諸侯之大夫聽命季孫宿齊高厚宋向戌衛甯殖邾大夫會之鄭伯獻捷于會故親聽命大夫不書尊晉侯也嚴梁傳見魯之失正也公在而大夫會

○集解云悼公襄公

曾孫則此至於六公也  
九世

○愚按當時諸侯朝聘之禮必過於豐侈悼公復伯禮從簡要故會于邢丘使諸侯大夫聞之也

○周書立政篇周公所作戒成王以任用賢在之道言立政立事當由已出不可委重視成不知躬當職分之大地

○漢梁之會在十六年

○何氏曰疏旂旆整係屬之辭若今俗名

**胡傳**蘇轍曰晉悼公脩文襄之業改命朝聘之數使諸侯之大夫聽命於會夫稱人衆辭也朝聘之節儉而有禮衆之所安也臣則以為大夫稱人貶之也昔周公戒成王以繼自今我其立政立事夫不自為政而委於臣下是以國之利器示人而不知賈也朝聘事之大者重煩諸侯而使大夫聽命無乃以姑息愛人而不由德乎使政在大夫而諸侯失國又豈所以愛之也後此八年溴梁之會悼公初沒諸侯皆在而大夫獨盟君若贅旒夫豈一朝一夕之故哉故邢丘之事魯公在晉而季孫宿會見魯之失政也諸侯之大夫貶而稱人謹其始也

公至自晉○莒人侵我東鄙左傳以○秋九

就皆為贅者矣以旂  
旒論者為下所執持  
東西流者是也

○左傳春公如晉且  
聽朝之數夏五月會  
于邢丘秋後書公至  
自晉則公猶在晉可  
知

月大雪

○冬楚公子貞帥師伐鄭

子襄伐鄭討其侵蔡也子駒子國子耳欲從  
楚子孔子矯子展欲待晉子駒曰周詩有之  
曰俟河之清人壽幾何兆云詢多職競作羅  
謀之多族民之多違事滋無成我急矣姑從  
楚以紓吾民晉師至吾又從之故共幣帛以  
待來者小國之道也犧牲玉帛待于二竟以  
待疆者而民焉寇不為害民不罷病不亦  
可乎子展曰小所以事大信也小國無信兵  
亂臣至亡無日矣五會之信今將背之雖楚  
救我將安用之親我無成鄙我是欲不可從  
也如待晉晉君方明四軍無闕入卿和睦  
必不棄鄭楚師遠糧食將盡必將速歸何  
慰焉舍之聞之杖莫如信完守以老楚杖信  
以待晉不亦可乎子駒曰詩云謀夫孔多是  
用不集發言盈庭誰敢執其咎如匪行邁謀  
是用不得于道謀從楚驛也受其咎乃及楚

○齊宣王姓田氏名  
開疆諸侯借林王也

○孟子梁惠王下篇  
有之義見梁子章句

平使王子伯駒告于晉曰君命敝邑脩而車  
賦傲而師徒以討亂路蔡人不從敝邑之人  
不敢寧處悉索故賦以討于蔡獲司馬燮獻  
于邢丘今楚來討曰女何故稱兵于蔡蔡  
郊保馮陵我城郭故邑之衆夫婦男女不遑  
啓處以相救也寡焉傾覆無所控寄民死亡  
者非其父兄即其子弟夫以愁羸不知所庇  
民知窮困而受盟于楚孤也與其二三臣不  
能禁止不敢不告知武子使行人子貞對之  
曰君有楚命亦不使一介行于寡君而  
即安于楚君之所欲也誰敢違君寡君將帥  
諸侯以見于城  
下唯君圖之

胡傳

齊宣王問於孟子曰鄰國有道乎孟  
子曰有唯智者為能以小事大故太

王事襄鬻有踐事吳以小事大畏天者保其國鄭介大國之間困強楚之  
令而欲息肩於晉若能信任仁賢明其刑

○集解云初子期子  
國子耳欲從楚子孔  
子蟠子展欲待晉子  
驪曰民急矣姑從楚  
以經吾民晉師至吾  
又從之此其不信之  
意也又曰故共幣見  
以待來者亦國之道  
也犧牲玉帛徒于二  
境以待疆者而此民  
享之不為害民不罷  
病不亦可乎此其不  
信之意也

政經畫財賦以禮法自守而親比四鄰必  
能保其封境荆楚雖大何畏焉而子耳子  
國加兵於蔡獲公子燮無故怒楚所謂不  
脩文德而有武功者也楚人來討不從則  
力不能敵從之則晉師必至故國人皆喜  
而子產獨不順焉以晉楚之爭鄭自茲弗  
得寧矣是以獲公子燮特書復蔡以罪之  
而公子貞來伐鄭及楚平不復書矣平而  
不書以見鄭之屈服於楚而不信也犧牲  
玉帛待於境上以待強  
者而請盟其能國乎

晉侯使士匄來聘  
左傳晉范宣子來聘且拜  
享之宜辛賦標有梅季武子曰誰敢哉今譬  
於草木寡君在君君之臭味也歡以承命何  
時之有武子賦角弓賓將出武子賦形弓宜  
子曰城僕之役我先君文公獻功于衡雍受  
形弓於襄主以為子孫藏也先君守官之

○林氏曰天火自災  
來告故書

○靈王九年 晉悼九。齊靈十八。衛獻十二。蔡  
哀五。杞孝三。宋平十二。秦景十三。楚共二十  
七。吳壽夢  
二十一。

春宋災 災公作火 左傳宋災樂喜為司城以  
塗大屋陳奔海具縵生備水器量輕重蓋水  
潦積土塗巡城繕守備表火道使華臣具  
正徒令遂正納城保奔火所使樂遊充刑器  
官庀其司向城討左亦如之使樂遊充刑器  
亦如之使皇鄭命校正出馬工正出車備甲  
兵屯武守使西鉅孟府守令司官巷伯微  
宮二師令四鄉正敬享祀宗用馬于四墉祀  
盤奠于西門之外晉侯問於士弱曰吾聞之  
宋災於是乎知有天道何故對曰古之火正

春秋卷三十五

五

○林氏曰成公母

或食於心或食於味以出內火是故味為鶉  
火心為大火陶唐氏之火正閔伯居商丘祀  
太火而火紀時焉相土困之故商主大火商  
人闕其禍敗之變必始於火是以日知其有  
天道也公曰可必乎對曰在道國亂無象不  
可知也公羊傳曷為或言災或言火火大者曰  
災小者曰火然則內何以不言火內不言火  
者甚之也何以書記災也外災不書此何以  
書為王者之後記災也穀梁傳 ○夏季孫宿  
外災不志此其志何也故未也  
如晉 左傳季武子如晉  
報宣子之聘也 ○五月辛酉夫人姜  
氏薨 左傳穆姜薨於東宮始往而筮之遇艮  
君必速出姜曰亡是謂艮之隨三隨其出也  
元體之長也京嘉之會也利義之和也貞事  
之幹也體仁足以長人嘉會足以合禮利物  
足以和義貞固足以幹事然故不可誣也是

○林氏曰姣潘之別  
名棄夫人之位而與  
備如潘姣

以雖隨無咎今我婦人而與於亂固在下位  
而有不仁不可謂元不靖國家不可謂亨作  
而害身不可謂利棄位而姣不可謂貞有四  
德者隨而無咎我皆無之豈隨也哉我則取  
惡能無咎乎必死  
於此弗得出矣

**附錄**

左傳秦景公使士稚乙師于楚將以  
伐晉楚子許之子囊曰不可當今吾  
不能與晉爭晉君類能而使之舉不失選  
官不易方其卿讓於善其大夫不失守其  
士競於教其庶人加於農穡商士阜隸不  
知遷業韓厥老矣知登稟焉以為政范白  
少於中行偃而上之使在中軍韓起少於  
樂厲而樂厲士勛上之使佐上軍魏絳多  
功以趙武為賢而為之佐君明臣忠上讓  
下競當是時也晉不可敵事之而後君  
其圖之王曰吾既許矣雖不殺晉必將出  
師秋楚子師于武城以為秦援秦人侵晉

卷之三十五

十一

晉饒弗能報也

○林氏曰四月而葬

秋八月癸未葬我小君穆姜公作繆姜 ○冬公會

○伐鄭而書同盟則

伯小邾子齊世子光伐鄭十有二月己亥同盟于戲戲許宜反左傳冬十月諸侯伐鄭庚午季武子齊崔杼宋皇郈從荀盈士句門于鄭門衛北官括曹人邾人從荀偃韓起門于師之梁滕人薛人從樂廩士鮒門于北門祀人邾人從趙武魏絳軒行栗甲戊師于泚令於諸侯曰脩備器盛饗歸老幼君疾于虎牢建管圍鄭鄭人恐乃行成中行獻子日遂圍之以待楚人之救也而與之戰不然無成知武子曰許之盟而還師以救楚人吾三分四軍與諸侯之銳以進來者於我未

○林氏曰士莊子即士弱載書盟書也

病楚不能矣猶解於戰暴骨以逞不可以戰大勞未艾君子勞心小人勞力先主之制也諸侯皆不欲戰乃詐鄭成十一月己亥同盟于戲鄭服也將盟鄭六卿公子騂公子發公子嘉公孫鞅公孫蠆公孫舍之及其大夫門子皆從鄭伯晉士莊子為載書曰自今日既盟之後鄭國而不唯晉命是聽而或有異志者有如此盟公子騂趨進曰天禍鄭國使介居二大國之間大國不加德音而亂以要之使其鬼神不獲歡其裡祀其民人不獲享其士利天婦辛苦墊隘無所底告自今日既盟之後鄭國而不唯晉命是聽而或有異志從而敢有異志者亦如之荀偃曰改載書乎孫舍之曰昭大神要言焉若可改也大國亦可叛也知武子謂獻子曰我實不德而要人以盟豈禮也哉非禮何以主盟姑盟而退脩德息師而來終必獲鄭何以今日我之不德民將棄我豈唯鄭若能休和遠人將至何恃



○杖言備仗也

○次氏曰諸侯已取鄭虎卒故使諸軍疾病者皆息其中

○林氏曰隸緩也管邇也隸放諸軍之在適者而後用鄭

○荀偃左傳作中行獻子

○知瑩左傳作知武子

也。乃詐鄭成同盟于戲。夫善為國者不師善師者不陣。善陣者不戰。知武子明於善陣之法。以佐晉悼公。屢與諸侯伐鄭。楚輒救之。而不與之戰。楚師遂屈。得善勝之道矣。故下書蕭魚之會。以美之。

**附錄**

左傳公送晉侯。晉侯以公宴于河上。寡君以生。晉侯曰十二年矣。是謂一終。一星終也。國君十五而生子。冠而生子。禮也。君可以冠矣。大夫盍為冠。具武子對曰。君冠必以裸享之禮行之。以金右之樂節之。以先君之祧。處之。今寡君在行。未可具也。請及克。克之國。而假備焉。晉侯曰。諾。公還及。衛冠于成。公之廟。假鐘磬焉。禮也。

**楚子伐鄭**

左傳楚子伐鄭。于駒將及楚。平子

左傳楚子伐鄭。于駒將及楚。平子

三百冬

於鄭乃盟而還。晉人不得志於鄭。以諸侯復伐之。十二月癸亥。門其。門。閏月戊寅。齊好陰。攻。侵。鄭。次于陰。占。而還。子孔曰。晉師。可擊也。師。老。而。勞。且。有。歸。志。必。大。克。之。子。展。曰。不。可。穀。梁。傳。不。異。言。鄭。善。得。鄭。也。不。致。恥。不。能。據。鄭。也。

**胡傳**

鄭之見伐於楚。子駒欲從。楚子展曰。小國無信。兵亂日至。亡無日矣。請完守。以老楚。伏信。以待晉。其策未為失也。而子駒遂及楚盟。於是晉師至矣。諸侯伐鄭。晉人。今。於。列。國。修。器。備。盛。饌。糧。歸。老。幼。居疾。于。虎。牢。肆。管。圍。鄭。鄭。人。恐。乃。行。成。荀。偃。曰。遂。圍。之。以。待。楚。人。之。救。而。與。之。戰。不。然。無。成。知。瑩。曰。詐。之。盟。而。還。師。以。敵。楚。吾。三。分。四。軍。與。諸。侯。之。銳。以。逆。來。者。於。我。未。病。楚。不。能。矣。猶。愈。於。戰。暴。骨。以。逞。不。可。以。爭。大。勞。未。文。君。子。勞。心。小。人。勞。力。先。王。之。制。

晉之可乎子駒子展曰吾盟匪云唯強是從  
今楚師至晉不我救則楚強矣盟誓之言豈  
敢背之且要盟無質神弗臨也所臨唯信信  
者言之瑞也善之主也是故臨之明神不  
要盟背之可也乃及楚平公子罷戍入盟同  
盟于中分楚莊夫入卒王未能定鄭而歸

**附錄** 五傳 晉侯歸謀所以息民魏絳請施  
舍輸積聚以貸自公以下苟有積者  
盡出之國無滯積亦無困人公無禁利亦  
無貪民所以幣更實以特牲器用不作車  
服從給行之期年國乃有節二駕而楚不  
爭能與

### 春秋四傳卷之二十五

### 春秋四傳卷之二十六

#### 襄公二

**戊** 靈王十年 晉悼十 齊靈十九 衛獻十四 蔡  
哀六 杞孝四 宋平十三 秦景十  
四 楚共二十八 吳壽夢二十三

春公會晉侯宋公衛侯曹伯莒子邾子滕子

薛伯杞伯小邾子齊世子光會吳于相

左傳春會于相會吳子壽夢也三月癸丑齊  
高厚相太子光以先會諸侯于鍾離不敬  
莊子曰高子相太子以會諸侯將社稷是衛  
而皆不敬棄社稷也其將不免乎夏四月戊  
午會于相穀梁傳 夏五月甲午遂滅偃陽  
音 偃又會外之也

林氏曰相楚地

偃陽妘姓國今彭  
城傳陽縣此通吳  
晉往來之道也

○紇，鄆邑大夫叔梁紇，仲尼之父也。紇多力，可以手扶舉懸門。○舉，卽風簡兮詩言有武勇之力如虎之可畏者也。

福又彼力，友穀作傳。左傳：晉荀偃士角請伐偃陽而封宋，向戌焉。荀瑩曰：城小而固，勝之不武。弗勝，為笑。固請丙寅圍之。弗克。孟氏之臣秦董父灌重如，役偃陽人啓門。諸侯之士門焉。縣門發，縣人紇挾之以出。門者狄虺彌建大車之輪而蒙之以甲，以為櫓。左執之，右拔戟以成一隊。孟獻子曰：詩所謂有力如虎者也。主人縣布董父登之，及堞而絕之。隊則又縣之。蘇而復上者三。主人辭焉，乃退。帶其纒以徇於軍三日。諸侯之師久於偃陽。荀偃士角請於荀瑩曰：水潦將降，懼不能歸，請班師。知伯怒，投之以机，出於其間。曰：女成一事而後告余。余恐亂命，以不女違。女既勤君，而與諸侯奉帥，老夫以至於此，既無武守，而又欲易余罪，曰是實班師，不然，克矣。余癯老也，可重任乎？七日，不克，必爾乎取之。五月庚寅，荀偃士角帥卒攻偃陽，親受矢石。甲午，滅之。書曰：遂滅偃陽。言自會也。以與向戌向戌辭。

○宋平公為晉悼公設享禮於楚丘之地。

○桑林，殷天子之樂。

○宋，王者後魯，周公以後皆用天子禮樂，故可觀禮。

曰：君若猶辱鎮撫宋國，而以偃陽光啟寡君，羣臣安矣。其何賜如之？若專賜臣，是臣與諸侯以自非也。其何罪大焉？敢以死請。乃于宋公。宋公曰：諸侯於楚丘請以桑林荀瑩辭荀偃士角。諸侯宋魯於是觀禮。魯有禘樂，賓祭用之。宋以桑林享君，不亦可乎？舞師題以旌，夏晉侯懼而退，入于房。去旌，卒享而還。及著雍，疾。桑林見荀偃士角，欲奔，請禱焉。荀瑩不許，曰：我辭禮矣。彼則以之。猶有鬼神於彼加之。晉侯有間，以偃陽子歸獻于武宮。謂之夷俘。偃陽，妘姓也。使周內史選其族嗣納諸霍人禮也。師歸，孟獻子以秦董父為右。生秦不效，事仲尼。穀梁傳：遂，直也。其曰遂何？不以中國。公至自會。穀梁傳：會夷狄，不致惡從夷狄也。中國有善事，則并焉。無善事，則異之存之也。及鄭伯逃歸，陳侯致祖之會存中國也。○楚公子貞鄭公孫

輒帥師伐宋

左傳六月楚子囊鄭子耳伐宋師于訾毋庚午圍宋門于桐門

○晉師伐秦

左傳晉荀息伐秦秦報其侵也

**附錄**

左傳衛侯救宋師于襄牛鄭子展曰必伐衛不然是不與楚也得罪于晉

又得罪於楚國將若之何子駟曰國病矣子展曰得罪於二大國必亡病不猶愈於亡乎諸大夫皆以為然故鄭皇耳帥師侵衛楚令也孫文子上追之獻兆於定姜姜氏問繇曰兆如山陵有夫出征而喪其雄姜氏曰征者喪雄禦寇之利也大夫圖之衛人追之孫蒯獲鄭皇耳于大丘○秋七月丙寅克之九月子耳侵宋北鄙孟獻子曰鄭其在災乎師競已甚周德不堪競况鄭乎有災其執政之三士乎

○鄭簡公幼少子駟于國子耳秉政故知三士任其禍也為下盜殺二大夫傳

秋莒人伐我東鄙

左傳莒人間諸侯之有事也故伐我東鄙○公

會晉侯宋公衛侯曹伯莒子邾子齊世子光

滕子薛伯杞伯小邾子伐鄭

此三駕之二因傳諸侯伐鄭齊

駢公于發公孫輒

駢公穀作斐書盜始此左傳初子駟與尉止有爭將

禦諸侯之師而黜其車尉止獲又與之爭子

為田漁司氏堵氏侯氏子師氏皆喪田焉故

五族聚羣不逞之人因公子之徒以作亂於

是子駟當國子國為司馬子耳為司空子孔

為司徒冬十月戊辰尉止司臣侯晉堵女父

子師僕帥賊以入晨攻執政于西宮之朝殺

子駟子國子耳劫鄭伯以如北宮子孔知之

○亦曰盜賊者也以護者而丁日殺三御部之朱政甚矣是故書盜自此始

討止鄭人姓尉名  
止尉止并此四族

故不死。書曰盜言無大夫焉。子西聞盜不徹  
而出。尸而追盜。盜入於北宮。乃歸授甲。臣妾  
多。逃器用多。喪子產。聞盜為門者。左羣司閉  
府庫。慎閉藏。完守備。成列而後出兵車十七  
乘。乃而攻盜於北宮。子驕帥國人。駟之。殺尉  
止。子師僕盜。眾盡死。侯晉奔晉。堵女父司臣  
尉。翮司齊奔宋。子孔當國。為載書。以位序聽  
政。群大夫諸司。門子弗順。將誅之。子產止之。  
請為之焚書。子孔不可。曰為書以定國。眾怒  
而焚之。是眾為政也。國不亦難乎。子產曰。眾  
怒難犯。專欲難成。合二難以安國。危之道也。  
不如焚書。以安眾。子得所欲。眾亦得安。不亦  
可乎。專欲無成。犯眾興禍。子必從之。乃焚書。  
於倉門之外。眾而後定。穀梁傳稱盜以殺大  
夫弗以上下  
道惡上也

**胡傳**

按左氏鄭公子駢當國發為司馬輒  
為司空駢與尉止有爭及為田漁司

○漢書漢李廣為上郡守匈奴有白馬將出護其兵廣上寫與十餘騎追射殺之而去  
駢令士皆縱馬此會春胡兵終性之不敢擊夜引而去

○晉書晉劉琨為胡  
騎所困琨乘月登樓  
清東賊悽然而去即  
所謂卻敵國之兵勝  
千里之難者此類是  
也

○林氏曰向也曰虎  
車今也曰鄭虎牢何  
不係之鄭者為天下  
城之也係之鄭者為  
鄭成之也是故楚止  
不係之衛緣陵不係  
之杞梁山沙麓不係  
之晉昔非一國之絳  
也荆鄆部係之杞彭

氏堵氏侯氏子師氏皆喪田故五族聚君  
不逞之徒以作亂入西宮殺三卿于朝不  
稱大夫程氏以為失卿職也卿大夫者國  
君之陪貳政之本也本強則精神折衝聞  
有偃息談笑而卻敵國之兵勝千里之難  
者矣乃至於身不能保而盜得殺之於朝  
安在其為陪貳乎故削其大  
夫為當官失職者之鑒也

成鄭虎牢楚公子貞帥師救鄭  
師城虎牢而

成之晉師城梧及制士魴魏絳成之書曰成  
鄭虎牢非鄭地也言將歸焉鄭及晉平楚子  
囊救鄭十一月諸侯之師還鄭而南至於陽  
陵楚師不退知武子欲退曰今我逃楚楚必  
驕驕則可與戰矣欒黶曰逃楚晉之恥也合  
諸侯以益取不如死我將獨進師遂進紀交  
與楚師夾穎而軍子驕曰諸侯既有成行必  
不戰矣從之將退不從亦退楚必圍我猶

城係之宋昔一國之  
併也

○城在二年

○林氏曰墊隘猶委  
類也蓋辛苦秀類於  
爭戰也

○孟獻子曰請城虎  
牢以逼鄭即此意也

○林氏曰諸侯二年已城虎牢鄭服而還之今鄭不服故脩虎牢之城而伐之

○集解云愚按今以  
虎牢還之鄭者所以  
張前所取者非其義  
也書楚公子貞救鄭  
者所以明諸侯之不  
當救也

將退也。不如從楚亦以退之。宵涉穎與楚人  
盟。樂廩欲伐鄭師。荀瑩不可。曰：我實不能禦  
楚。又不能庇鄭。鄭何罪？不如致怨焉而還。今  
伐其師，楚必救之。戰而不克，為諸侯笑。克不  
可，命不如還也。丁未，諸侯之師還。侵鄭，北鄙  
而歸。楚人亦還。公羊傳：孰伐之？諸侯伐之。曷  
為不言諸侯伐之？離至不可得，而序故言我  
也。諸侯已取之矣。曷為繫之？鄭者侯莫之主，  
有故反繫之。鄭穀梁傳：其  
曰：鄭虎牢，決鄭乎虎牢也。

**胡傳**

虎牢之地城不繫鄭者，責在鄭也。成  
所以守國，有是險而不能設，犧牲玉帛待  
盟，境上使其民人不享，士利辛苦，墊隘無  
所底告，然後請成，故城不繫鄭者，責其不  
能有也。曷為罪諸侯？夫鄭人從楚，固云不  
義，然中國所以城之者，非欲斷荆楚之路，  
為鄭蔽也。駐師阨險，以逼之，爾至是伐而

復成焉，猶前志也。則可謂以義服之乎？故  
戍而繫鄭者，若曰：鄭國分地受諸天子，非  
列國所得專，所以罪諸侯也。聖人既以虎  
牢還繫於鄭，又書楚公子貞帥師救鄭，諸  
侯之罪益明矣。夫以救許楚，所以深罪諸  
侯，不能保鄭，肆其陵逼，曾荆楚之  
不若也，亦可謂深切著明也哉。

**公至自伐鄭**

**附錄**

左傳：工叔陳生與伯與爭政，王右伯  
與，王叔陳生怒而出奔，及河，王復之。  
殺中，狡以說焉，不入。遂處之。晉侯使  
平，王室。王叔與伯與訟焉。王叔之宰與伯  
與之宰，曰：箒門閭竇之人，而皆陵其上，其  
難為上矣。瑕禽曰：昔平王東遷，吾七姓從  
王，牲用備具，王賴之而賜之，駢旌之，盟曰：  
世世無失職。若箒門閭竇，其能來東底乎？

且王何賴焉。今自王叔之相也，政以賄成，而刑放於寵。官之師旅，不勝其當。吾能無算門闔，實乎？唯大國圖之，下而無直，則何謂正矣？范宣子曰：天子所右，寡君亦右之。所左，亦左之。使王叔氏與伯輿合，要王叔氏不能舉其契。王叔奔晉，不書，不告也。單靖公為卿士，以相王室。

**靈王十有一年** 晉悼十。齊靈二十。衛獻成十六。陳哀七。杞孝五。宋平十四。秦景十五。楚共二十九。吳壽夢二十四。

**春王正月作三軍** 左傳春季武子將作三軍，各征其軍。穆子曰：政將及子，子必不能。武子固請之。穆子曰：然則盟諸，乃盟諸偃。閑詛諸，五父之衢。正月作三軍，三分公室，而各有其一。三子各毀其乘。季氏使其乘之人，以其殺邑人者，無征。不入者，倍征。孟氏使半為臣。若

○秋，曰此志三家分公室之始

○范氏曰周禮司馬法曰萬有二千五百人為軍，王六軍，大國三軍，次國二軍，小國一軍。其制皆命卿二千五百人為一師，然則此言天子六師九萬，有五千人，大國三軍，則三萬七千五百人，諸侯大夫天子非義也。

○集解云以此知三軍為魯國之舊

○在僖公之時法尚如此

○朱子曰魯自文公薨，仲殺子赤，立宣公，而君失其政

○襄公至是年十四歲

子若弟叔孫氏使盡為臣，不然不令。公羊傳三軍者何？三卿也。作三軍，何以善？幾何？譏爾古者，上卿下，卿上，士下，士。穀梁傳作為也。古者天子六師，諸侯一軍，作三軍，非正也。

**胡傳**

三軍魯之舊也。古者大國三軍，次國二軍，小國一軍。魯侯封於曲阜，地方數百里，天下莫強焉。及僖公時，能復周公之宇，而史克作頌，其詩曰：公車千乘。說者以為大國之軍也。故知三軍魯之舊爾。然車而謂之公車，則臣下無私乘也。徒而謂之公徒，則臣下無私民也。若有侵伐，諸卿更帥以出，事畢則將歸於朝，車復於甸，甲散於丘，卒還於邑。將皆公家之臣，兵皆公家之眾，不相繫也。文宣以來，政在私門，襄公幼弱，季氏益張，廢公室之三軍，而三家各有其一。季氏盡征焉，而舊法亡矣。是以謂之作，其明年季孫宿救合，遂入鄆，又其後

○昭公五年書舍中

享范獻子而公臣不能具三鬴民不屬公可知矣春秋書其作舍以見昭公失國定公無正而兵權不可去公室有天下國家者之所宜鑒也

夏四月四上郊不從乃不郊穀梁傳夏四月不持也四上非

禮也○鄭公孫舍之帥師侵宋左傳鄭人患晉楚之故諸大夫

疾楚將師之何為而使晉師致死於我楚弗敢敵而後可固與也子展曰與宋為惡諸侯必至吾從之盟楚師至吾又從之則晉怒甚矣晉能驟來楚將不能吾乃固與晉大夫說之使疆場之司惡於宋宋向成侵鄭大獲子

必疾吾乃聽命焉且告於楚楚師至吾又與之盟而重賂晉師乃公奮其侯宋公衛侯曹

免矣夏鄭子展侵宋

伯齊世子光莒子邾子滕子薛伯杞伯小邾子伐鄭此三駕之二左傳四月諸侯伐鄭已

伯齊世子光莒子邾子滕子薛伯杞伯小邾

子伐鄭此三駕之二左傳四月諸侯伐鄭已

東門其莫晉荀瑩至干西郊東侵舊許衛孫

林父侵其北鄙六月諸侯會于北林師于向

右還次于瑯琊鄭觀兵秋七月己未同盟于

于南門西濟于濟隧

亳城北亳蒲洛反公穀作京左傳鄭人懼乃

真必失諸侯諸侯道撤而無成能無貳乎乃

盟載書曰凡我同盟毋蕩年毋壘利毋保安毋

毋爭愿救災患恤禍亂同好惡獎王室以問

茲命司慎司盟名山名川羣神羣祀先王先

公七姓十二國之祖明神殛之公至且伐鄭



秦秦右大夫詹帥師從楚子將以伐鄭鄭伯逆之丙子伐宋

**胡傳**盟于亳城北鄭服而同盟也尋復從也既同而又叛從子展之謀欲致晉師而後與之也故亳之盟其載書曰或間茲命明神殛之俾失其民隊命亡氏陪其國家雖渝此盟而不顧也噫慢是神至於此極而盟猶足待乎

公會晉侯宋公衛侯曹伯齊世子光莒子邾

子滕子薛伯杞伯小邾子伐鄭會于蕭魚

林氏曰蕭魚鄭地也鄭會于蕭魚序續也自是鄭不叛晉者二十四年

駕之三左傳九月諸侯悉師以復伐鄭諸侯之師觀兵於鄭東門鄭人使王子伯駢行成甲戌晉趙武入盟鄭伯冬十月丁亥鄭子展出盟晉侯十二月戊寅會于蕭魚庚辰赦與囚皆禮而歸之納斥侯禁侵掠晉侯使叔

林氏曰三篇三興也謂十年師于牛首下十年師于向其秋觀兵于鄭東門

告于諸侯公使臧孫紇對曰凡我同盟小國有罪大國致討苟有以藉手鮮不赦宥寡君聞命矣鄭人賂晉侯以師懼師觸師觸廣車輓車淳十五乘甲兵備凡兵車百乘歌鐘二樂及其鑄磬女樂二八晉侯以樂之半賜魏絳曰子教寡人和諸戎狄以正諸華八年之也九合諸侯如樂之和無所不諧請與子樂之辭曰夫和戎狄國之福也八年之中九合諸侯諸侯無慝君之靈也二三子之勞也臣何力之有焉抑臣願君安其樂而思其終也詩曰樂只君子天子之邦樂只君子福祿攸同便蕃左右亦是帥從夫樂以安德義以處之禮以行之信以守之仁以厲之而後可以殿邦國同福祿來遠人所謂樂也善曰居安思危思則有備有備無患敢以此規公曰子之教不敢不承命抑微子寡人無以待戎不能濟河夫賞國之典也藏之盟府不可廢也子其受之魏絳於是乎始有金右之樂禮也

城濮之役在僖十八年

○林氏曰良霄即伯有公孫輒之子

公羊傳此伐鄭也其言會于蕭魚何蓋鄭與會爾

**胡傳**

程氏曰會于蕭魚鄭又服而請會也。不書鄭會謂其不可信也。而晉悼公推至誠以待人。信鄭不疑禮其刃而歸焉。納斥候禁侵掠遣叔貽告于諸侯而鄭自入也。自悼公能謀於魏絳以息民聽於知武子而不與楚戰故三駕而楚不能與之爭。雖城濮之績不越是矣。

**公至自會**

穀梁傳伐而後會不以

○楚人執

**鄭行人良霄**

穀作良霄左傳鄭人使良霄太宰石與如楚告將服于晉曰孤以社稷之故不能懷君若能以玉帛緩晉不然則武震以攝威之孤之願也楚人執之書曰行人言使人也穀梁傳行人者挈國之辭也

○冬秦人伐晉

秦庶長鮑庶長武帥師伐晉以救鄭鮑先自輔氏與鮑交代伐晉師紀丑秦晉戰于櫟晉師敗績陽秦故也

**庚子十有二年**

晉悼十二齊靈二十一衛獻十六蔡景三十一

鄭簡五曹成十七陳哀八杞孝六宋平十五秦景十六楚共三十吳壽夢二十五卒

**春王三月莒人伐我東鄙圍郕**

公穀作郕下同公羊傳邑

不言圍此其言圍何伐而言圍者取邑之辭也伐而不言圍者非取邑之辭也穀梁傳伐邑不書圍安足書也取李孫宿帥師救台遂入郕公作運左傳季武子救台遂入郕取其言遂何公不得為政爾穀梁傳遂繼事也受命而救郕不受命而入郕惡季孫宿也

○林氏曰台脚臺怡三音下同

季孫意如逐昭公  
○定無正定公名宋昭公弟也昭公薨於乾侯季孫意如廢太子行及務人而立公子宋六月方即位非先公之意而首不書正月有惡季孫之意也

○林氏曰壽夢卒子諸樊立吳始書卒

**胡傳** 鄭萬邑也。逐者生事也。入者逆詞也。入鄆，惡季孫宿之擅權，使公不得有為於其國也。或曰古者命將得專，制閫外之事，有可以安國家利社稷者，專之可也。曰此為境外言也。若在邦域之中而專行之，非有無君之心者，不敢為也。昭公逐，定無正，夫豈一朝一夕之故哉！其所由來者漸矣。

夏晉侯使士魴來聘。左傳：夏晉士魴來聘。且拜師。魴，秋九月。

月吳子乘卒。吳始書卒。左傳：秋吳子壽夢卒。臨於周廟禮也。凡諸侯之喪，果

姓臨於外，同姓於宗廟，同宗於祖廟，同族於禘廟，是故魯為諸姬臨於周廟焉。邢凡蔣茅，昨祭臨於周公之廟。冬楚公子貞帥師侵宋。左傳：冬楚子囊

秦庶長無地伐宋師于楊梁以報晉之取鄭也

**附錄** 左傳：靈王求后于齊，齊侯問對於晏桓子。桓子對曰：先王之禮，雖有之，天子求后於諸侯，諸侯對曰：夫婦所生，若而人，妾婦之子，若而人，無女而有姊妹及姑姊妹，則曰先守其公之遺女，若而人，齊侯許昏，王使陰車結之。

公如晉。左傳：公如晉朝且拜師。魴之厚禮也。

**附錄** 左傳：秦嬴歸于楚，楚司馬子庚聘于秦，為夫人寧禮也。

靈王十有三年。晉悼十三，齊靈二十二，衛獻十七，蔡景三十二，鄭簡六，曹成十八，陳哀九，杞孝七，宋平十六，秦景十七，楚共三十一，卒。吳諸樊過元年。

春公至自晉。左傳：孟獻子書。夏取郟。詩公勞于廟禮也。

○小國也。○部音詩。

林氏曰荀登中軍

伯游即荀偃言荀偃年長

作詩左傳夏郭亂分為三師救郭遂取之凡書取言易也。用大師焉曰滅。弗地曰入。公羊傳詩者何。邾婁之邑也。曷為不繫乎邾婁。諱取也。

附錄

左傳荀登士師卒。晉侯蒐于緜上以治兵。使士句將中軍。辭曰伯游長。昔臣聞於知伯。是以佐之。非能賢也。請從。伯游荀偃將中軍。士句佐之。使韓起將上軍。辭以趙武。又使欒黶。辭曰臣不如韓起。韓起願上。趙武君其聽之。使趙武將上軍。韓起佐之。欒黶將下軍。魏絳佐之。新軍無帥。從於下軍。禮也。晉國之民是以大和。諸侯遂睦。君子曰讓禮之主也。范宣子讓其下。皆讓。欒黶為汰弗敢違也。晉國以平。數世賴之。刑善也。夫一人刑善。百姓休和。可不務乎。書曰一人有慶。兆民賴之。其寧惟末。其是之謂乎。周之興也。其詩曰儀刑文王。

林氏曰共王卒于康王昭立

萬邦作。平言刑善也。及其衰也。其詩曰大夫不。我從事獨賢。言不讓也。世之治也。君子尚能而讓其下。小人農力以事其上。是以上下有禮而讒應黜。遠由不爭也。謂之懿德。及其亂也。君子稱其功以加小人。小人伐其技以擣君子。是以上下無禮亂虐並生。由爭善也。謂之昏德。國家之敝。恒必由之。

秋九月庚辰楚子審卒

左傳楚子疾告大夫曰不穀不德。少主社稷。

稷生十年而喪先君。未及習師保之教訓。而應受多福。是以不德而亡師于鄆。以辱社稷。為大夫憂其弘多矣。若以大夫之靈。獲保首領。以歿於地。唯是春秋絕矣。之事所以從先君於禰廟者。請為靈若厲。大夫擇焉。莫對。及五命。乃許。秋楚共王卒。子囊謀。諡大夫曰君有命矣。子囊曰君命以共。若之何。毀之赫赫。楚國而君臨之。撫有蠻夷。奄征南海。以屬諸

夏而知其過可不謂其乎請蓋之共大夫從之

**附錄**

左傳吳侵楚養由基奔命子庚以師繼之養叔曰吳乘我喪謂我不能師也必易我而不戒子為三覆以待我我請誘之子庚從之戰于庸浦大敗吳師獲公子黨君子以吳為不弔詩曰不弔吳夫亂靡有定

冬城防左傳肅事時也於是將早城左傳鄭良青大宰石與猶在楚石與言於子囊曰先王征五年而歲其祥祥習則行不習則增脩德而改卜今楚實不競行人何罪止鄭一卿以除其偏使睦而疾楚以固於晉焉用之使歸而廢其使怨其君以疾其大夫而相牽引也不猶愈乎楚人歸之

**冬城防**

左傳肅事時也於是將早城

**附錄**

言於子囊曰先王征五年而歲其祥祥習則行不習則增脩德而改卜今楚實不競行人何罪止鄭一卿以除其偏使睦而疾楚以固於晉焉用之使歸而廢其使怨其君以疾其大夫而相牽引也不猶愈乎楚人歸之

靈王十有四年

晉悼十四齊靈二十三衛獻十八蔡景三十三

鄭簡七曹成十九陳哀十杞孝八宋平十七秦景十八楚康王招元年吳諸樊二

春王正月季孫宿叔老會晉士匄齊人宋人

衛人鄭公孫董曹人莒人邾人滕人薛人杞

人小邾人會吳于向

于向為吳謀楚故也范宣子數吳之不德也將以退吳人執莒公子務婁以其通楚使也將執我子駒支范宣子親數諸朝曰來姜戎氏昔秦人迫逐乃祖吾離于瓜州乃祖吾離披苦蓋蒙荆棘以來歸我先君我先君惠公有不腆之田與友剖分而食之今諸侯之事我寡君不如昔者蓋言語漏洩則職女之事請朝之事爾無與焉與將執女對曰昔秦人為

春秋左傳卷二十六

十一

林氏曰向鄭地叔也魯使三卿會晉敬事伯國晉人是難魯弊而益敬其使叔老雖介亦列於會齊崔杼宋華閱衛北官皆在位惰慢不攝故貶私人蓋欲以督率諸侯獎成伯也吳來在會諸侯會之故曰會吳

客謂季孫宿

情其衆貪于土地。還我諸戎。惠公蠲其大德。謂我諸戎。是四嶽之裔。胃也。毋是寡棄。賜我南鄙之田。狐狸所居。豺狼所噬。我諸戎除翦其荆棘。驅其狐狸豺狼。以為先君不侵不叛之臣。至于今。不貳。昔文公與秦伐鄭。秦人竊與鄭盟。而舍戍焉。於是平有殺之師。晉禦其鹿。晉人角之。諸戎擄之。與晉踏之。戎何以不兔。自是以來。晉之百役。與我諸戎相繼。子時以從。執政猶報志也。豈敢離邊。今官之師旅。無乃實有所闕。以攜諸侯。而罪我諸戎。我諸戎飲食衣服。不與華同。贊幣不通。言語不達。何惡之能為。不與於會。亦無晉焉。賦青蠅而退。宣子辭焉。使即事於會。成愷悌也。於是子叔齊子為季武子介。以會。自是晉人輕魯幣而益敬其使。

胡傳

使舉上客而叔老並書者。以內卿。則不得不書矣。季孫宿以卿為介。而

○左傳吳告敗于晉。會于向。為吳謀。楚故也。於是子叔齊子為季武子介。以會。自是晉人輕魯幣而益敬其使。蓋重才德而輕貨之意。

○林氏曰。晉楚兵爭。止此。晉楚兵爭始於襄而終於十三國之伐。

不使之免。叔老介於宿。而不敢避。蓋兩失之。雖晉人輕其幣而敬其使。於君命。使人之體。豈為得哉。

附錄

左傳。吳子諸樊既除喪。將立季札。季札辭。曰。曹宣公之卒也。諸侯與曹人。不義。曹君將立子臧。子臧去之。遂弗為也。以成曹君。君子曰。能守節。君義嗣也。誰敢好君。有國。非吾節也。札雖不才。願附於子臧。以無失節。固立之。棄其室而耕。乃舍之。

二月乙未朔日有食之。○夏四月叔孫豹會

晉荀偃。齊人。宋人。衛北宮括。鄭公孫蠆。曹人

莒人。邾人。滕人。薛人。杞人。小邾人。伐秦。

止此。左傳。夏諸侯之大夫。從晉侯伐秦。以報櫟之役也。晉侯待于竟。使六卿帥諸侯之師。以進。及涇。不濟。叔向見叔孫穆子。穆子賦。鄘

○左史晉大夫莊子

○中行伯即荀偃言

有苦葉叔向退而具舟魯人莒人莒人先濟鄭子  
矯見衛北宮懿子曰與人而不固取惡莫甚  
焉若社稷何懿子說一子見諸侯之師而勤  
之濟濟淫而次秦人毒涇上流師人多死鄭  
司馬子矯帥鄭師以進師皆從之至于栢林  
不獲成焉荀偃令曰鷄鳴而駕塞井夷竈唯  
余馬首是瞻欒廩曰晉國之命未有是也余  
馬首欲東乃歸下軍從之左史謂魏莊子曰  
不待中行伯乎莊子曰夫子命從帥欒伯吾  
帥也吾將從之從帥所以待夫子也伯游曰  
吾今實過悔之何及多遺秦餼乃命大還晉  
人謂之遷延之役欒鍼曰此役也報櫟之敗  
也役又無功晉之恥也吾有二位於戎路敢  
不恥乎與士鞅馳秦師死焉士鞅反欒廩謂  
士句曰余弟不欲往而子召之余弟死而子  
來是而子殺余之弟也弗逐余亦將殺之士  
鞅奔秦於是齊崔杼宋華閱仲江會伐秦不  
書惰也向之會亦如之衛北宮括不書於國

○林氏曰獻公出奔

○皮冠田獵之冠也  
○木臣宜釋皮冠今  
不釋冠不盡禮也

書於伐秦攝也秦伯問於士鞅曰晉大夫其  
誰先亡對曰欒氏平秦伯曰以其汰乎對  
曰然欒廩汰虐已甚猶可以免其在盈乎秦  
伯曰何故對曰武子之德在民如周人之思  
召公焉愛其甘棠况其子乎欒廩死盈之善  
未能及人武子所施沒矣而廩之怨實章將  
於是乎在秦伯以為知言為之請於晉而復  
之  
○已未衛侯出奔齊獻公作衛侯行左傳衛  
子食皆服而朝日野不召而射鴻於圃二子  
從之不釋皮冠而與之言二子怒孫文子如  
戚孫蒯入使公飲之酒使大師歌巧言之卒  
章大師辭師曹請為之初公有嬖妾使師曹  
誨之琴師曹鞭之公怒鞭師曹三百故師曹  
欲歌之以怒孫子以報公公使歌之遂誦之  
蒯懼告文子文子曰君忌我矣弗先必死矣  
祭於戚而入見蘧伯玉曰君之暴虐子所知  
也大懼社稷之傾覆將如之何對曰君制其

○定姜獻公適母

○而悅手者櫛理髮者言我事定公為夫

國臣敢婦之。雖死之庸知愈乎。遂行從近。出公使子疇子伯子皮與孫子盟于丘宮。孫子皆殺之。四月己未子展奔齊。公如野。使子行於孫子。孫子又殺之。公出奔齊。孫氏追之。敗公徒于阿澤。邾人執之。初尹公佗學射於庚公。差庚公差。學射於公孫。十子追公。公孫丁御公。子角曰射為昔。師不射為戮。射為禮乎。射兩駒而還。尹公佗曰子為師。我則遠矣。乃反之。公孫丁授公轡。而射之。貫管子。鮮從公。及竟。公使祝宗告亡。且告無罪。定姜曰無神何告。若有不可。誣也。有罪若何。告無金大臣。而與小臣謀。一罪也。先君有家。卿以為師保。而蔑之二罪也。余以市櫛事。先君而厚妾。使余三罪也。告亡而已。無生。無罪。公使厚成。叔弔于衛。曰寡君使詹聞君不撫社稷。而越在他竟。若以何。不弔。以同盟之故。使詹敢私於執事。曰君不弔。有臣不敏。君不赦。宥臣亦不帥職。苟淫。發洩其若之何。衛人使大

○沐氏曰以狐為裘至美也。以黑為袖則有以惡喻已。下身盡善。辭從君以出其惡不多。

叔儀對曰。君臣不佞。得罪於寡君。寡君不以即刑。而悼棄之。以為君憂。君不忘先君之好。辱弔羣臣。又重恤之。敢拜君命之辱。重拜大賜。厚孫歸復命。語滅武仲曰。衛君其必歸乎。有大叔儀以守。有毋弟鱗以出。或無其內。或營其外。能無歸乎。齊人以棘箭衛侯。及其復也。以棘糧歸。右宰穀從。而逃歸。衛人將殺之。曰余不說初矣。余狐裘而羔袖。乃赦之。衛人立公孫剽。孫林父審殖相之。以聽命於諸侯。衛侯在邾。滅統如齊。言衛侯與之言虐。退而告其人曰。衛侯其不得入矣。其言糞土也。亡而不變。何以復國。子展子鮮聞之。見滅統與之言道。滅統說謂其人曰。衛君必入。夫一子者。或輓之。或推之。欲無入得乎。

**胡傳**

按左氏衛甯殖將死。語其子曰。吾得殖出。其若天所謂諸侯之策。則列國之史也。諸侯則若晉。若魯是也。史則若晉之乘。



○孟子離婁篇曰晉之刑楚之檣杭魯之春秋一也註云古者列國皆有史官掌記時事此皆其所記冊書之名也

○祝宗太祝之官掌宗廟祭告之事考故獻公使告宗廟以出亡之故

○師曠晉樂太師子野也

○林氏曰自庶人而下執伎藝曰工通貨賄曰商造城事曰阜屬於吏曰隸養牛曰牧養馬曰圉

魯之春秋是也。今春秋書衛侯出奔齊而不曰孫林父寧殖出真君者蓋仲在筆削不因舊史之文也。欲知經之大義深考舊文筆削之不同其得之矣。或曰孫甯出君衆所同疾史策書之是也。聖人曷為掩茲載惡不暴其罪而以歸咎人主何哉。曰臣而逐君其罪曰明矣。人君擅一國之名寵神之主而民之望也。愛之如父母仰之如日月敬之如神明畏之如雷霆何可出也。所為見逐無不肆於民上。縱其淫虐以棄天地之性乎。如衛行出奔使祝宗告亡且告無罪而定坐。曰有罪若何告無春秋端本清源之書。不書所逐之臣而以自奔為名。所以警人君者為後世。其凶也。豈非聖人莫不脩之為此類也。

**附錄**

左傳師曠曰自伐秦晉侯舍新軍禮也。成國不師。天子之軍。周為六軍諸侯之大者。三軍可也。於是知朔生盈而死。

盈生六年而武子卒。戎裘亦幼皆未可立也。新軍無帥故舍之。○師曠侍於晉侯晉侯曰衛人出其君不亦甚乎。對曰或者其君實甚。良君將賞善而刑淫。養民如子蓋之如天容之如地民奉其君愛之如父母仰之如日月敬之如神明畏之如雷霆其可出乎。夫君神之主而民之望也。若困民之主匱神乏祀百姓絕望社稷無主將安用之。弗去何為。天生民而立之君使司牧之勿使失性。有君而為之貳使師保之勿使過度。是故天子有公諸侯有卿。卿置側室大夫有貳宗士有朋友。庶人工商皂隸牧圉皆有親暱以相輔佐也。善則賞之過則匡之。患則救之失則革之。自王以下各有父兄子弟以補察其政。史為書瞽為詩工誦箴諫大夫規誨士傳言庶人諉商旅于市百士獻藝。故夏書曰道人以木鐸徇于路。官師相規工執藝事以諫。正月孟春

○林氏曰義入鄭

於是乎有之諫矣常也天之愛民甚矣豈其使一人肆於民上以從其淫而棄天地之性必不然矣

昔人侵我東鄙○秋楚公子貞帥師伐吳左傳

秋楚子為庸浦之役故子囊帥干棠以伐吳吳不出而還子囊戮以吳為不能而弗傲吳人自臯舟之隘要而擊之楚人不能相救吳人敗之獲楚公子宜穀

**附錄**

左傳王使劉定公賜齊侯命曰昔伯

民世昨太師以表東海王室之不壞繫伯舅是賴今余命女環茲率舅氏之典纂乃祖考無忝乃舊故之哉無廢朕命

冬季孫宿會晉士句宋華閱衛孫林父鄭公

孫蠆莒人邾人于戚閱音悅左傳晉侯問衛故於中行獻子對曰不

○戚孫林父邑○於  
是衛孫林父立公孫  
而會晉于戚以定  
之襄昭之際大夫無  
君之禍晉為之也悼公之德衰矣

○東侯屬武王時太  
史名侯

○仲虺湯左相

○忠信為周言德行  
歸于忠信

○舉小雅都人士詩

如因而定之衛有君矣伐之未可以得志也勤諸侯史佚有言曰因重而撫之仲虺有言曰亡者侮之亂者取之推亡固存國之道也君其定衛以待時乎冬會于戚謀定衛也范宣子假羽毛於齊而弗歸齊人始貳

**附錄**

左傳楚子囊還自伐吳卒將死遺言謂子夷必城郢君于謂子囊忠君死不忘增其名將死不忘衛社稷可不謂忠乎忠民之望也詩曰行歸于周萬民所望忠也

癸巳年 十有五年 晉悼王卒齊靈二十

年蔡景三十四鄭簡八曹成二十陳哀十一  
杞孝九宋平十八秦景  
十九楚康二吳諸樊二

春宋公使向戌來聘二月己亥及向戌盟于

○劉采地夏  
天子卿書字劉  
夏非卿故書名天子  
無不所命則成故不  
書通文

○官師劉夏也天子  
官通非也劉夏獨過  
官通非也劉夏獨過  
官通非也劉夏獨過

○齊氏曰十年堵女  
父司日尉嗣司齊奔

○遇魯也書至遇公  
長齊不敦至成

劉左傳春宋向戌來聘且尋盟見孟獻子  
劉其室曰子有令聞而美其室非所望也對  
曰我在晉吾兄為之  
毀之重勞且不敢問  
○劉夏逆王后于齊  
官師從單靖公逆王后于齊卿不行非禮也  
公羊傳劉夏者何天子之大夫也劉者何邑  
也其稱劉何以邑氏也外逆女不書此  
何以書過我也穀梁傳過我故志之也

**胡傳**

劉夏何以不稱使不與天子之使夏  
也昏姻人倫之本王后天下之母劉  
夏士也士而逆后是不重人倫之本而輕  
天下之母矣然則何使卿往逆公監之禮  
也官師從單靖公逆王后于齊書劉夏而  
不書靖公是知卿往逆公監之禮也春秋  
昏姻得禮者  
常事不書

**附錄**

左傳楚公子牛為令尹公子罷戎為  
右尹薦子馮為大司馬公子橐師為

右司馬公子成為左司馬屈到為莫敖公  
子追舒為箴尹屈蕩為連尹養由基為官  
廐尹以靖國人君子謂楚於是乎能官人  
官人國之急也能官人則民無觶心詩曰  
嗟我懷人真彼周行能官人也王及公侯  
伯子男甸采衛大夫各居其列所謂周行  
也○鄭尉氏司氏之亂其餘盜在宋鄭人  
以子西伯有子產之故納賂于宋以馬四  
十乘與師校師慧三月公孫黑為魯馬司  
城子罕以堵女父尉嗣司齊與之良司臣  
而逸之託諸季武子武子真諸下鄭人臨  
之三人也師慧過宋朝將私焉其相曰朝  
也慧曰無人焉相曰朝也何故無人慧曰  
必無人焉若猶有人豈其以千乘之相而  
易淫樂之賂必無人焉故  
也子罕聞之固請而歸之

夏齊侯伐我北鄙圍成公救成至遇

公羊傳  
其言至

○林氏曰備齊故夏  
我形例所說

○悼公卒于平公彪

遇何不季孫宿叔孫豹帥師城成郟左傳齊侯圍成

敢進也貳於晉故也於○秋八月丁巳日有食之○

邾人伐我南鄙左傳秋邾人伐我南鄙使告于晉晉將為會以討邾昔晉

侯有疾乃止冬晉悼公卒遂不克會○冬十有一月癸亥晉侯

周卒

附錄

左傳鄭公孫夏如晉奔喪子蟠送葬  
○宋人或得玉獻諸子罕子罕弗受  
獻之子罕曰我以不貪為寶爾以玉為寶  
若以與我皆喪寶也不若人有其寶稽首  
而告曰小人懷璧不可以越鄉納此以請  
死也子罕寬諸其里使玉人為之攻之富  
而後使復其所○十二月鄭人奪堵狗之

妻而歸  
諸范氏

甲靈王十有六年晉平公彪元年齊靈二

五年衛獻二十殤二蔡

景三十五鄭簡九曹成二十一陳哀十一杞

春王正月葬晉悼公○三月公會晉侯宋公

衛侯鄭伯曹伯莒子邾子薛伯杞伯小邾子

于溴梁溴古閔反左傳平公即位羊舌肸為

田盈士鞅為公族大夫虞丘書為乘馬御改服

戊寅大夫盟左傳晉侯與諸侯宴于温使

厚之詩不類荀偃怒且曰諸侯有異志矣使

諸大夫盟高厚高厚逃歸於是叔孫豹晉荀

○溴水各不書齊高  
厚逃歸故也

○凡伯在晉而但曰  
諸侯者無伯也君在  
尊而但曰大夫者無  
君也是故自文而下

盟于危會于危則有  
序言諸侯而不序自  
襄而下漁梁之盟則  
有序言大夫而不序

○杜丘之會在齊公  
十五年

○雞澤之會在上三  
年

○季孫宿晉士句齊  
崔杼宋華閱衛北宮  
孫鄭公孫董曹人莒  
人邾人滕人薛人杞  
人小邾人并吳為十  
四國

○叔孫豹晉荀偃除吳為十三國○季孫宿晉士句齊華閱衛孫休父鄭公孫董曹人邾人為七國威孫叔也邑也  
此三會一則為吳謀楚一則載機之役一則定衛國之亂三者皆兵戎之事故以合

國之大事

○自平公至靖公凡  
十世安王二十六年  
為韓趙魏共廢靖公  
為家人而分其地靖  
公名酒

○威列王二十三年  
初命晉大夫魏斯趙  
籍韓處為諸侯

○林氏曰鄭非主兵  
也則者為書鄭伯春  
秋不以大夫主諸侯  
則雖而屬之鄭也春  
秋之大義夷夏之辨

偃宋向戌衛甯殖鄭公孫董小邾之大夫天盟  
曰同討不庭公羊傳諸侯皆在是其言大夫  
盟何信在大夫也何言平信在大夫徧刺天  
下之大夫也曷為徧刺天下之大夫君若贅  
旒然穀梁傳溴梁之會諸侯失正矣諸侯會  
而曰大夫盟正在大夫也諸侯在  
而曰諸侯之大夫大夫不臣也

**胡傳**

杜丘之會諸侯既次于匡則書曰公  
孫敖帥師及諸侯之大夫救徐維澤  
之會諸侯既盟而陳侯使袁橋如會則書  
曰叔孫豹及諸侯之大夫及陳袁橋盟今  
溴梁之會諸侯皆在是若欲使大夫盟者  
則書魯卿及諸侯之大夫盟可也而獨書  
大夫何也諸侯失政大夫皆不臣也上二  
年春正月會于向十有四國之大夫也夏  
四月會伐秦十有三國之大夫也冬會于  
威七國之大夫也此三會皆國之大事也  
而使大夫皆專之而諸侯皆不與焉是列

國之君不自為政弗躬弗親禮樂征伐已  
自大夫出矣况悼公既沒晉平初立無先  
公之明也君若贅旒而大夫張亦宜矣天  
豈一朝一夕之故哉善惡積於至微而不  
可掩常情忽於未兆而不預謀苟偃怒太  
夫盟而晉靖公廢趙籍韓處魏其為諸侯  
之勢見矣有國者謹於禮而不  
敢忽此春秋以待後世之意也

晉人執莒子邾子以歸執以歸始此左傳以  
比公且曰通  
齊侯伐我北鄙夏公至自  
會○五月甲子地震○叔老會鄭伯晉荀偃

衛甯殖宋人伐許左傳許男請遷于晉諸侯  
歸諸侯鄭子驩聞將伐許遂相鄭伯以從諸  
侯之師穆叔從公齊子帥師會晉荀偃書曰

君臣之分而已是故  
傳十九年盟于齊陳  
非主盟也不以夷狄  
主中國則書會陳今  
年伐許鄭非主兵也  
不以入夫主諸侯則  
書會鄭

會鄭伯為夷故也夏六月次于域林庚寅伐  
許次于函氏晉荀偃欒黶帥師伐楚以報宋  
揚梁之役楚公子格帥師及晉師戰于湛皮  
楚師敗績晉師遂侵方城之外復伐許而還  
○秋齊侯伐我北鄙圍成左傳圍成左傳秋  
速傲之齊侯曰是好勇去之  
以為之名速遂塞海壑而還 ○大雩冬叔  
孫豹如晉左傳冬穆叔如晉聘且言齊故晉  
息不然不敢忘穆叔曰以齊人之朝夕釋憾  
於敝邑之地是以大請敝邑之急朝不及夕  
引領西望曰庶幾乎此執事之間恐無及也  
見中行獻子賦圻父獻子曰偃知罪矣敢不  
從執事以同恤社稷而使魯及此見范宣子  
賦鴻鴈之卒章宣子曰句在此敢使魯無鴛  
乎

○宣公卒子俸公華

○石買石椁子

○防臧紇邑伐我太  
夫將轟大夫如此自  
隱以來齊伐我皆書  
入君將書君身文十  
五年始大夫將書太  
夫自高厚始

靈王十有七年晉平二齊靈二十六衛

十六鄭簡十曹成二十二陳哀十三杞孝十

春王二月庚午邾子貜卒邾音閉宣公也在

位十八年子華 ○宋人伐陳左傳宋莊朝伐

○夏衛石買帥師伐曹左傳衛孫蒯田于

曹人愬于晉 ○秋齊侯伐我北鄙圍桃齊

高厚帥師伐我北鄙圍防桃公作洮高厚上

人以其未得志于我故秋齊侯伐我北鄙圍

桃高厚圍臧紇于防師自陽關逆臧孫至于

○合左師向戌也

○界與也而汝也言與我以大璧玉

○策馬插也

○瘦狗在狗也宋人逐之

林氏曰白狄來不  
言訊不能行朝禮  
集解云越裳南方  
遠國各在交趾南間  
成主時嘗重九譯獻  
白雉譯傳四夷之言  
音重九譯謂敘譯其  
詞語經九重之國乃  
至此也舊謂所將之  
物即所謂白雉也

旅松耶叔紇滅噶臯賈帥甲三百宵犯齊師  
送之而復齊師去之齊人獲臧堅齊侯使夙  
沙衛言之且曰無死堅稽首曰拜命之辱  
君賜不終姑又使其刑臣禮於士以杖扶其  
傷而死  
○九月大雩○宋華臣出奔陳左傳宋  
華臣出奔陳

華臣弱臯比之室使賊殺其宰華吳賊六人  
以鉞殺諸盧門合左師之後左師懼曰老夫  
無罪賊曰臯比私有討於吳遂幽其妻曰那  
涂而大璧宋公聞之曰臣也不唯其宗室是  
暴大亂宋國之政必逐之左師曰臣也亦卿  
也大臣不順國之取也亦如蓋之及舍之左  
師為已短策苟過華臣之門必騁十一月甲  
午國以逐瘦狗瘦狗入於華臣氏國人從之  
華臣懼  
○冬邾人伐我南部左傳為  
逐奔陳

**附錄**

左傳宋皇國父為太宰為平公築臺  
妨於農收子罕請俟農功之畢公弗

許築者諷曰澤門之櫛實興我邑中少之  
黜實慰我心子罕聞之執執執以行築者  
而扶其不勉者曰吾儕小人皆有闔廬以  
辟燥濕寒暑今君為一臺而不速成何以  
為役諷者乃止或問其故子罕曰宋國區  
區而有詛有祝禍之本也○齊晏桓子卒  
晏嬰羸縗斬菑經帶杖菅履食藜居倚廬  
寢苦枕草其老曰非大夫  
之禮也曰唯卿為大夫

丙申 靈王十有八年 晉平三齊靈二十七衛  
七年 獻二十二 殤四 蔡景三

十七 鄭簡十一 曹成二十三 陳哀十四 杞孝  
十二 宋平二十一 秦景二  
十二 楚康五 吳諸樊六

春白狄來左傳春白狄始來公羊傳白狄者何  
夷狄之君也何以不皆朝公能朝也

**胡傳**

劉敞曰夷狄於中國無事焉其於天  
子世一見則諸侯雖善其交際不得

○史記周成王元年交趾南有越裳氏重譯而獻云

○林氏曰石賈即是伐曹者宜即懲治本罪而晉因其為行人之使執之故書行人以罪晉

○同圍齊非但晉志也自圍齊之後晉師無君將雖大夫之師也無與於諸夏之義矣

○林氏曰及王曰戮

○彪晉平公客魯臣猶末臣也稱魯臣者明上有天子以譏魯神也

○宣宣子晉士也析文子齊大夫子家也

而通也。是以春秋亦不與其朝。不與其朝者，懲洋慝也。內外也。周公致太平，越裳氏重九譯而獻其白雉，公曰：君子德不及焉，不享其贄，此乃天子而讓也。况列國之君乎？守藩之臣乎？

夏晉人執衛行人石賈

左傳夏晉人執衛行人石賈于長子執孫

蒯于純留為曹故也穀梁

○秋齊師伐我北

鄆穀作侯冬十月公會晉侯宋公衛侯鄭伯曹

伯莒子邾子滕子薛伯杞伯小邾子同盟齊

左傳秋齊侯伐我北鄆中行獻子將伐齊與厲公訟弗勝公以戈擊之首墜於前踰而戴之奉之以志見虜陽之巫臯他日見諸道與之言同巫曰今茲主必死若有事於東方則可以逞獻子許諾晉侯伐齊將濟河獻子

以朱絲徐玉一穀而禱曰：齊環怙恃其險負其衆庶棄好背盟陵虐神主魯臣彪將率諸侯以討焉。其官臣偃實先後之，苟捷有功無作，神羞官臣偃無敢復濟。唯爾有神裁之。沈玉而濟，冬十月會于魚台。齊尋湫梁之言同伐齊。齊侯禦諸平陰，勦防門而守之。廣里夙沙衛曰：不能戰，莫如守險。弗聽。諸侯之士門焉。齊人多死。范宣子告析文子曰：吾知子敢匿情乎？魯人莒人皆請以車千乘自其卿入。既詐之矣。若入君必失國。子盍圖之。子家以告公公恐，晏嬰聞之曰：君固無勇，而又聞是，弗能矣。齊侯登巫山以望晉師。晉人使司馬斥山澤之險，雖所不至，必施而疏陳之。使乘軍者左，實右，僞以旆先，輿曳柴而從之。齊侯見之，畏其衆也，乃脫歸。丙寅晦，齊師夜遁。師曠告晉侯曰：烏鳥之聲樂齊師，其遁。邢伯告中行伯曰：有班馬之聲齊師，其遁。叔向告晉侯曰：城上有烏齊師，其遁。十一月丁卯朔入



○脰頸也而矢殖殖  
緝脰頸

○雍門齊城門秦周  
魯人趙武及之共  
伐我

○櫛木名孟莊子孺  
子速也斬雍門之櫛  
木以為魯公之琴

○齊環齊靈公名環

○十五年夏伐北鄙  
圍成十六年春又伐  
北鄙其秋又伐  
邠十七年又伐邠  
挑高厚又帥師伐邠防  
至此秋復伐三年內  
凡六舉兵  
○見寧子離婁篇

平陰遂從齊師風沙衛連大車以塞隧而殺  
殖縛郭最曰子殿國師齊之屬也于姑先乎  
乃代之殺衛殺馬於隘以塞道晉州緝及之  
射殖縛中其腹顧曰為私誓州緝曰有日乃  
証將取其腹顧曰為私誓州緝曰有日乃  
弛弓而自縛縛之其右具丙亦舍兵而縛郭  
最皆松甲面縛坐于中軍之鼓下晉人欲逐  
歸者魯衛請攻險已卯荀偃士句以中軍克  
京辛酉西魏將欒黶以下軍克郭趙武韓起  
以中軍圍廬弗克十二月戊戌及秦周伐雍  
門之萩范鞅門于雍門其御逆喜以戈殺大  
于門中孟莊子斬其櫛以為公琴已亥焚雍  
門及西郭南郭劉難士弱率諸侯之師焚南  
池之竹木壬寅焚東郭北郭范鞅門于揚門  
州緝門于東閭左驂逆還于門中以救數圍  
齊侯駕將走郵棠天子與郭榮相馬曰師速  
而疾思也將退矣君何懼焉且社稷之主不  
可以輕輕則失眾君必待之將化之太子抱

劔斷鞅乃止甲辰東侵及維南及沂穀梁傳  
非圍而曰圍齊有天焉亦有病焉非  
天而足同焉諸侯同罪之也亦病矣

**胡傳**凡侵伐圍入未有書同者而獨於此  
神主肆其暴橫數代鄰國觀加兵於魯則  
可見矣諸侯所共惡疾故同心而圍之也  
同心圍齊其以伐致何也見齊環無道宜  
得惡疾大諸侯之伐而免其圍齊之罪辭  
也春秋於此有沮橫逆抑強暴之意孟子  
曰國必自伐而後人伐之自作孽不  
可逭其齊侯環之謂矣尚誰對哉

**曹伯負芻卒于師**穀梁傳  
○楚公子牛帥師  
伐鄭左傳鄭子孔欲去諸大夫將叛晉而起  
聞之使揚麻尹宣告于庚子庚弗許楚子  
社稷而不出師死不從禮不穀即位於今五



